



龍游縣志
壬午年重刊

ル 5
3136
4



門 儿 5
號 3136
卷 4

龍游縣誌卷之九



海城盧燦惟庵重修

龍邱余恂岫雲纂輯

男勉汧公較閱

選舉誌

鄉舉里選其來尚矣進士設科重自有唐邑中徐安貞以甲科為名臣在唐最著朕其他莫能詳改迨宋迄明始彬彬可紀焉其間盛衰相乘先後不一要亦一代才俊之藪也其次乙榜明經代多聞

龍游縣誌

選舉誌

一

人與進士並駕接跡外此雖非科目或以義舉或以勞升咸附見焉志選舉第九

進士

唐

正元元年榜

徐安貞 侍郎有傳

宋

雍熙二年梁灝榜一人

徐泌 起居舍人知制誥

慶祿六年賈黯榜一人

徐邁 郎中泌子

皇祐五年鄭獬榜一人

徐晉卿

嘉祐二年章衡榜一人

徐庠

熙寧六年余中榜一人

呂防 饒州刺史大中大夫有傳

熙寧九年徐譚榜一人

馬 鎔

元符三年李奎榜五人

徐嘉言 泌孫

徐敷言 泌孫

余 剛

徐 毅

劉夢得

崇寧五年蔡凝榜一人

鄭 興

政和二年莫儔榜三人

呂 斌 通判臨安贈少保防子有傳 徐元侯

呂景著 防子

政和五年何桌榜一人

吳 斌

政和八年王嘉榜二人

劉 冠 侍郎有傳 周咨謀

宣和六年沈晦榜三人

徐 總 呂南夫 防從子

徐 嘉 侍御史有傳

建炎二年李易榜一人

王鎮

紹興五年汪應宸榜一人

呂景蒙防子

紹興十二年陳誠之榜一人

畢宰

紹興十五年狀元及第一人

劉章資政殿學士謚文靖有傳

紹興十八年王佐榜二人

童用賓四川制置使有傳

黃遠中

紹興二十一年趙達榜一人

劉葵

紹興二十四年張孝祥榜一人

劉之衡章子有傳

紹興二十七年王十朋榜二人

徐巘有傳 蔣之才

余端禮左丞相謚忠肅有傳

紹興三十年梁克家榜一人

劉造正

隆興元年木待問榜三人

鄭百藥

何汝聽

徐曉 嶠弟

乾道二年蕭國梁榜二人

徐大忠

徐柔

乾道五年鄭僑榜一人

劉介朕

劉鼎

奏名特賜第一人有傳

乾道八年黃定榜八人

夏蹈中

虞季萬

江岑

劉知萬

江士龍

顏顧

呂嗣興 四歲神童

呂拱芳

淳熙二年詹駉榜一人

徐柟 侍御史

淳熙五年姚穎榜三人

夏僕 有傳

徐慶餘

徐伯忱 莆田令以親老棄官歸孝宗賜其里名移忠

淳熙八年黃由榜五人

余 嶸

敷文閣學士
端禮子有傳

郭 唯

袁 倬

余 桂

劉唯狀

淳熙十一年衛涇榜十人

徐 杓

與兄柎同
官侍御史

鄭時中

劉 恩

乙叔源

王由義

周 升

邵 頤

周執權

劉 愚

夏蹈古

蹈中弟

淳熙十四年王容榜二人

呂 渙

余 豐

嶸弟

徐伯益

紹熙元年余復榜四人

蔣 滾

徐處仁

繆景仁

胡剛中

紹熙四年陳亮榜二人

徐之倬

徐 儀

慶元二年鄧應龍榜二人

張禹疇

徐沂慶餘弟

葉民望

慶元五年曾從龍榜三人

劉汝錫

邵用

章成永

以直諫忤權貴改姓張隱嵩山

嘉泰二年傳行簡榜一人

鄒升

開禧元年毛自知榜二人

王德飛有傳

周緒

嘉定元年鄭自誠榜四人

夏寅

徐夙

夏蹈規

蹈中從弟

徐叔剛

嘉定七年袁甫榜二人

張振思

余舍豐城令端禮從子

嘉定十年吳潛榜二人

葉勳

顏祖宣

端平二年吳叔誥榜一人

胡大昌

侍郎有傳

馬天驥

端明殿學士有傳

寶祐四年文天祥榜二人

呂好問

封開國子防裔有傳

方夢龍

元

泰定元年張益勝一人

曹敏中

有傳

明

永樂戊戌科李麒榜一人

翁諫

成化壬辰科吳寬榜一人

胡

超

戶部主事有傳

宏治壬戌科康海榜一人

徐

麟

大理寺少卿

正德甲戌科唐臯榜一人

祝

品

廣東叅政有傳

嘉靖辛丑科沈坤榜一人

尹

燾

漳州府知府有傳

張文愚

新淦知縣未幾罷任人借其才

嘉靖丁未科李春芳榜一人

陸

佐

潮州府知府有傳

嘉靖庚戌科唐汝楫榜一人

毛汝麒 江西僉事有傳

嘉靖癸丑科陳謹榜一人

陸瓚 四川叅政有傳

嘉靖丙辰科諸大綬榜一人

祝爾介 太和知縣性孝友動循古道以狷介不合故仕不顯

嘉靖乙丑科范應期榜三人

龔廷璧 雲南籍工部主事 王用章 河南籍

萬曆庚辰科張懋修榜一人

祝致和 刑部主事有傳

萬曆癸未科朱國祚榜一人

徐良選 侯官知縣

萬曆丙戌科唐文獻榜一人

徐任道 西安籍廣西道御史

萬曆壬辰科翁正春榜二人

徐可求 西安籍四川巡撫 張宗孔 山東籍平陽知府

萬曆癸丑科周廷儒榜一人

龔承薦 四川按察使有傳

萬曆丙辰科錢士升榜一人

徐應秋 西安籍福建布政使可求子

崇禎辛未科陳于泰榜一人

龔銘 應天籍廣平推官

崇禎甲戌科劉理順榜二人

余日新 太僕寺少卿崇文侄孫有傳 翁元益 上海籍工部給事中

崇禎庚辰科劉同升榜一人

葉仕魁 西安籍進賢知縣

國朝

順治壬辰科鄒忠倚榜一人

余恂 左春坊左諭德兼內翰林校書院修撰余日新子有傳

順治戊戌科孫承恩榜一人

徐之凱 西安籍見任茂州知州任道曾孫

順治辛丑科馬世俊榜一人

陸長卿 見任江華知縣佐曾孫遇演黔變亂矢志不屈以憂忿卒有傳

順治庚戌科蔡啓傳榜一人

楊昶 現任合浦知縣

舉人

明

洪武巳酉科一人

徐備縣丞

永樂乙酉科一人

葉輔戶科給事中封駁
詳名事無留滯

永樂戊子科一人

袁懋海門教諭
有文名

永樂辛卯科一人

董儼

永樂甲午科二人

何錫教諭

何澄池州通判

永樂丁酉科一人

翁諫見進士

永樂庚子科二人

張默

徐資南臺御史

永樂癸卯科一人

虞中士通判

景泰丙子科一人

袁宜中 弟 慈

祝華 應天中式 衛經歷

天順己卯科四人

胡琰 知縣

胡節 山陽知縣

胡懷 兵馬指揮

徐嚴

成化戊子科二人

胡超 應天中式 見進士

胡孟修 州知

宏治己酉科一人

余默 壽府長史 有傳

宏治乙卯科一人

徐麟 順天中式 見進士

宏治辛酉科一人

王廷臣 應天中式 龍泉知縣 學識該博 一時科甲咸出其門 卒于官 民立祠 祝之

宏治甲子科二人

胡欽 魯府 伴讀

何晉 鑑從子 通判 有傳

正德庚午科一人

祝品 見進士

正德癸酉科一人

王欽 英山知縣 幼割股療親 疾及長友愛尤篤

正德丙子科一人

何音 晉弟福州通判致仕

嘉靖乙酉科一人

童默 廣東中式來賓知縣

嘉靖辛卯科二人

尹照 新會知縣古兜有積寇不靖立法招撫民咸感之

徐應奇 麟子工部員外

嘉靖甲午科一人

張良奎 河南中式

嘉靖丁酉科一人

尹燾 見進士照弟

嘉靖庚子科一人

張文愚 見進士

嘉靖癸卯科三人

祝爾慶 鳳陽同知品子 毛汝麒 見進士

陸佐 見進士

嘉靖丙午科一人

翁廷儒 應天中式信豐知縣

嘉靖壬子科二人

陸瓚 見進士佐弟

祝爾介 品子應天中式見進士

嘉靖戊午科二人

尹禮繼 有傳

龔世仰 淇縣知縣有傳

嘉靖辛酉科一人

余邦輔 膠州知州默從孫有傳

嘉靖甲子科一人

尹貞度 照子應天中式

隆慶丁卯科一人

張子校 經魁

隆慶庚午科一人

祝致和 順天中式見進士

萬曆己卯科五人

呂調元

徐良選 見進士

余大瀄

錢夢松 常德同知

徐德奎 順天中式羅源知縣

萬曆壬午科三人

葉文懋 武昌同知有傳

余崇文 平樂同知有傳

徐任道 西安籍 見進士

萬麻乙酉科一人

劉應舉 蘭谿教諭性恬雅善廸士

萬麻戊子科二人

余用昌 儋州知州 邦輔子

祝萬甯 應天中式高要知縣有傳

萬麻辛卯科四人

徐可求 應天中式 見進士

陸世彥 瓊子 醜謹 有文譽

張羽翔 蒲州知州有傳

張宗孔 見進士

萬麻甲午科一人

尹思聘

萬麻丁酉科一人

張子槐 河曲知縣 子校弟

萬麻庚子科一人

余用賢 瑞昌知縣 用昌從弟

萬麻丙午科二人

龔承薦 順天中式 見進士

方重鎮 河南籍

萬麻壬子科一人

徐應秋 可求子 西安籍 見進士

萬曆戊午科二人

龔銘 應天中式
見進士

翁元益 應天中式
見進士

天啓辛酉科二人

余日新 見進士
有傳

呂之節 廣東叅政調
元孫有傳

天啓甲子科一人

余一鳳 武鄉知縣用
賢子有傳

崇禎庚午科二人

余敦倫 工部主事用
賢從弟有傳

汪士珍

崇禎丙子科二人

葉仕魁 西安籍
見進士

王潢 應天
中式

崇禎己卯科一人

祝世盛 亞魁高陵
知縣有傳

國朝

順治辛卯科一人

余恂 解元見
進士

順治甲午科二人

陸長卿 見進士
佐曾孫

張其翼

順治丁酉科一人

徐之凱 西安籍 見進士

順治庚子科三人

張廣益 解元

楊昶 見進士

方夏繡

貢生

明 洪武 翁榘

十八年 徐拱

十九年 余雅 漳浦知縣

二十年 周凱

二十二年 吳佛應

李潮 汧州教授

二十四年 卞應善 典史

二十五年 曹克振

二十七年 方偉 有傳

徐球 以府學貢

二十八年 方林

二十九年 吳廣濟 知府

三十年 虞天祥

張隆 工部郎中

建文元年 胡天定 甯府舍人

永樂元年 倪潤 長沙知縣 府學

二年 許堪 有傳

三年 徐嚙 訓導

四年 藥莊 典實

五年 徐傑 江西龍衛經歷

六年 方維 龍岩主簿

七年 呂恭 縣丞

八年 馬澤 工部主事

八年 夏 荪 府學 九年 鄭 濬 光澤主簿

十年 余 煥 山陽知縣 十一年 徐 樞

十二年 胡 鏞 十三年 余 俊

十四年 徐 德 十五年 錢 良

十六年 徐 孜 十七年 尹 瑛 慶遠推官

二十年 童 闡 二十二年 范 壽 肇慶推官

宣德元年 郭 斌 三年 徐 源 閩縣知縣

五年 周 經 七年 陳五常 撫州推官

九年 范 啓 訓導

正統元年 呂 雅 望江知縣 三年 周 益 武進縣丞

五年 張 顯 潮陽知縣 七年 傅 冕 興化通判

九年 祝 輝 江西臬司照磨 十一年 諸葛武 歸德同知

十二年 徐忠恕 曲靖推官 景泰元年 張 鋒 衍經歷玉山知縣

景泰元年 虞 壽 吉水主簿 三年 張 鋒

四年 曹 維 五年 袁餘慶

六年 張 俊 七年 方維林

天順二年 傅孟宗 提舉 四年 方 定 南平知縣

六年 徐祿 興國州同

七年 徐富

胡超 見進士

童瑾 縣丞

方谷 經歷

童哲

胡孟祥 州判

此年舊誌並載六人其詳不可考仍依次列之

成化元年 呂瓚 南靖縣丞

胡孟修 見舉人

二年 王紳

四年 龔時 延平同知 延試第一

五年 徐旋 府學管 城訓導

七年 徐華 全椒知縣

九年 徐珉 縣丞

十一年 張隆 廣信推官

十三年 童文

十五年 徐斌

十七年 祝璋

十九年 鄭瑄 吉水縣丞

二十一年 祝震 樂平訓導

二十三年 葉魁 連城知縣

宏治二年 余章 有傳

四年 葉茂

六年 徐有成 楊州經歷

八年 何鑑 韶州通判 錫弟

十年 張高 宜春教諭

十二年 周璽

十四年 傅祿 甯州同

十六年 方冕 兵馬指揮 有傳

十八年 祝彝

正德二年 葉桐 甯國教授

四年 陳敬 輝府長史

六年 李經 延平訓導

八年 祝銘 新昌訓導

嘉字系志

選舉誌

二

十年 李瑞 福建訓導

十二年 祝公弼 惠蒙訓導

十三年 葉章 布政司檢校

十四年 徐琳

十六年 祝隆

二年 呂龍 臨淮訓導

嘉靖元年 方繡 富民知縣

六年 楊琦 泰興訓導

四年 張實 漳州訓導

十年 方鏗 冕子臨都主簿

八年 王育 茂明教諭

十二年 徐廷相

十一年 李有年 鄭府教授

十六年 徐鵬 訓導

十四年 陸槐 淮府教授

十九年 徐沔 萬安教授

十八年 徐敞 都事

二十二年 周旋 王府教授

祝爾者 固安知縣

二十二年 祝爾介 見進士

二十年 張軻

二十六年 龔崇翰 曲靖經歷

二十八年 徐濬

三十年 舒良甫 澄鄉教諭

三十年 徐瑞 邵武教諭

三十四年 余湘 臨武知縣

三十五年 張本 陽山知縣

三十六年 祝詔 太和知縣

三十七年 勞日積 貴州籍陸梁知州

三十八年 徐圻 通州訓導

三十九年 徐羅 訓導

四十年 徐廷棟 甯都知縣

四十年 童震 泗州學正

四十年 張楷 荔浦知縣

四十年 徐高 四川籍

四十年 葉成 甌甯 訓導

隆慶元年 祝致和 恩貢 見進 士有傳

二年 余天祿 安義 知縣

六年 陸天民

萬曆元年 王一源 興化 經 歷 欽子

四年 金漆

八年 龔縉 長洲 訓導

十二年 尹邦士

十六年 汪若淵 黃岩 訓導

何克讚 恩貢 通判 有傳 府庠

四年 祝公衢 麗水 訓導

二年 徐天民 有傳

六年 徐德奎 見舉 人

十年 金百鍊

十四年 葉良相 廬州 教 授 有傳

十八年 陸世孚 選貢 瓚子

二十一年 祝爾敷 龍泉 教諭

二十一年 尹邦道 餘姚 訓導

二十四年 徐濂

二十八年 呂徽音 金華 訓導

三十三年 徐志文

三十六年 徐子忠 教授 西 安籍

四十年 葉文奎 候選 知縣

四十年 王三錫

泰昌元年 祝君知

二十一年 龔承薦 選貢 見進士 有傳 世仰子

二十二年 徐薇 大庾 教諭

二十六年 曹聞禮 金華 訓導

三十三年 龔大節

三十四年 李文選 平和 教諭

三十八年 呂廷佐

四十年 方遇知 廣宗 知縣 狷 介 有政績

四十年 尹邦登 涿州 判 有傳

六年 施于政 選貢 濟 甯州 判

選舉誌

汪士珍

府學選貢庚午應天中式若淵從孫

三年

童幼芳

壽昌籍崇

天啓元年

祝拱壽

縣丞

五年

葉世龍

吉安教諭有傳魁從孫

翁振宗

壽昌籍崇德教諭

七年

尹學敬

閩清教諭

崇禎元年

徐必慎

襄陽通判致三年和從孫有傳

尹一鑑

選貢興安知縣

祝錫範

鄞縣訓導

邵希泰

杭州訓導

五年

祝國禎

爾介孫

七年

尹王賓

八年

龔一德

象山訓導

何喬遇

宣平教諭府庠有傳

汪士騏

選貢若淵孫

翁祚

庠有傳

九年

徐士彬

遂安訓導

十一年

劉應登

應舉從弟

十三年

楊仁芳

十五年

尹宗伯

十七年

徐希願

徐道明

府學

龔則說

海鹽教諭

祝永清

拔貢璋曾孫

祝登元

漳州知府

徐彥

考授縣丞周急困乏善氣迎人

國朝

順治三年

王之璽

有傳

祝頌仁

恩貢

馬元良

府庠歲貢

五年

陸鴻渚

上虞訓導

劉師尹

拔貢嘉定知州應舉孫歷官數任
屢著惠政後以罪謫士論惜之

姜翼聖

府庠

六年

錢

勳 拔貢考
授通判

尹肇晉

拔貢考授通判
七年

楊延楨

考授知縣
仁芳子

葉懋功

世從龍
鄞縣訓導

尹聖任

府庠海甯教
諭學敬子

童之憲

拔貢

十年

徐道震

士彬

曹之楨

山陰
訓導

尹景舜

考授縣丞
聖任子

汪懋恒

十六年

葉

榮 現任慶
元訓導

徐獻策

恩貢

余際熙

府庠
恩貢

尹啓成

現任象
山訓導

三年

葉

黎 世龍
子

尹一詮

府庠一
鑑弟

九年

余

忱 日新
子

余敬明

十一年

余

勉 拔貢
恂子

尹重任

十三年

祝之瑤

恩貢

葉睿修

十七年

姜鳳翽

祝有致

十九年

汪自東

府庠

明經舉

宋王維康

薦辟舉

明徐奎章

舊誌作徐仲
達誤有傳

龍亭縣志

選舉誌

三

賢良舉

明徐敏恭

人材舉

明徐道惠

樂昌知縣

吳廣成

有傳

夏文舉

有傳

何同

有傳

徐貴芳

有傳

勞德

長山知縣吏畏而民不欺

劉善惠

新昌縣丞在任十年上官賢之

葉仲真

永豐主簿

夏思齊

鄭州同知興革利弊民俗一新

徐原芳

建甯知縣

曹克善

日照主簿

方文彬

淮安推官詳慎決獄民無冤抑

徐顯通

溇州照磨

葉善

德興主簿

王景照

魯府紀善

洪思榮

鳳陽驛丞

祝仲資

稅課六使

徐福楨

雙流典史

李起潛

全椒知縣

李應珪

南吏部文選司主事

徐德華

龍溪知縣

茂材舉

明葉存廣

福建運同存心簡恕為政平易

蔡德政

福建道御史有傳

江玉

鄆陵知縣有傳

葉暹

以楷書舉

翁諫

見進士

徐珙

有傳

孝弟力田舉

明夏源清有傳

遺逸舉

明徐記翰林五經傳上

何日新陳便宜事授浮梁知縣

王德建言民情授袁州同知

周俊召赴闕說律令除萊州判官

武進士

明

萬麻巳丑科一人

張國華九門團營叅將

萬麻巳未科一人

葉應武薊鎮副總兵贈都督同知見傳

崇禎丁丑科一人

周之楨錦衣衛西司房理刑

武舉人

明

萬麻乙酉科一人

張國華見進士

萬麻戊子科一人

張志倫

指揮僉事

萬曆乙卯科一人

葉應武

解元見進士

徐夢雷

崇禎丙子科三人

周之成

周之楨

見進士

周之魁

崇禎己卯科一人

嚴公權

國朝

順治乙酉科二人

袁之俊

順天籍江南屯田都司

邵纘武

順天籍

順治戊子科一人

楊應珍

順治辛卯科一人

徐應兆

福甯衛守備

順治甲午科一人

葉如雲

武職

明楊

順

洪武中累功千戶世襲楊真福楊璟楊亮楊鵬俱襲副千戶鵬以功進指揮僉事

席南

洪武中累功美哈衛百戶世襲席和席真席孟貴席志席勳襲職

席永

正統初累功指揮世襲席俊席明席良輔席大賓席文席盡忠襲職

席三牙

正統初累功與武所百戶世襲席晟席善席春以功調衛輝衛千戶席廷定襲職

方璿

福建中衛指揮

徐大

杭州中衛指揮

席廷賢

天津把總

徐君輔

海南把總

章以清

胡彥昇

劉甯

祖三

金善才

陸明宗

劉益

滿永

章以清下八人皆募勦括寇俱授巡檢

李良縉

河南都司

徐大鵬

副總兵

璩廷傑

守備

國朝

范一瑗

南贛副總兵

余宏

守備

龔澍

甯夏副總兵會稽籍

龔洵

湖廣參將會稽籍

鮑封

明胡宗韶

以子超封工部員外郎

祝瑜

以子品封刑部主事

選舉誌

選舉誌

三

尹蒙

以子燾封刑部主事

陸杞

以子佐封工部主事

陸樓

以子瓚重封山東按察司副使

尹岑

以子禮繼贈順天教授

余邦輔

原任知州以子昌進奉直大夫

祝啓元

以子致和封與化推官

徐良鎖

以子任道封河南固始知縣

徐良德

以子可求歷封吏部文選司主事

錢汝清

以子夢松贈澄海知縣

李壽栢

以子炳封義勇後衛經歷

余文隆

以子崇文贈潯州推官

徐榮賢

以子大賓封騰驤衛經歷

張珏

以子宗孔封山西平陽府知府

龔世仰

舉人以子承薦贈湖廣參政

徐廷臣

以子良選贈侯官知縣

張尙修

以子羽翔贈尋甸府通判

余煒

庠生以子日新贈貴州道監察御史

余九臯

以子敦倫贈登仕佐郎

余日新

進士以子恂封右春坊右贊善

援例儒士附

明尹昌

長樂主簿

呂貴

王府紀善

王昂

衛經歷

祝田

永甯主簿

祝公度

瓊州照磨

張文浩

龍江衛經歷

龔崇源

瓊山縣丞

祝爾昌

新甯主簿

何普

徐州同州

余尙文

新興縣丞

尹貞度

見舉人

葉天民

分宜主簿

尹邦大

光祿監事

祝雲鶴

古田縣丞

張文懋

儒士檢校

何克初

勞建

徐鏡

祝之齡 龔崇舜 毛一陽 兵馬指揮

翁文聘 方槐 徐上達

余有年 雷州經歷 尹貞夔 王之輔 上簿

尹嘉議 陸養初 長沙經歷 周埕 惠縣丞

曹叔靖 志行不苟 葉天和 張文僉 九江檢校

呂廷選 呂廷誥 祝如京 徽州經歷

張文愈 惠州照磨 陸俊 陸大成 經歷

陸大受 縣丞 徐學曾 祝萬甯

劉潢 張惟傑 張錡

張應鶴 宿遷縣丞 呂嘉禮 尹貞議

余有光 張善行 徐良翰

勞日增 張仁志 經歷 曹有隣

徐良弼 上林苑署丞 徐良幹 上林苑典簿 曹樂堯 有隣子

徐嘉相 邑旌孝義仕道州州同有惠政 徐可效

舒翰冲 曹有翼 桐城縣丞 徐邦賢

祝錫祚 陸大順 陸雲錦

陸雲龍 陸雲梯 陸雲鵬

陸雲翔 陸雲鴻 陸爾鉉

胡之甯

方玉爾

方一誠 調儻有氣節

徐繼元

董一吾

祝錫元

祝錫禎

肇慶府經歷有吏才居家慷慨好義樂施

姜翼衷

祝錫祥

承天經歷

余用光

余一儒

余一佳

太平府經歷

余一傲

張自謙

邵之龍

儒士

李正光

虎賁衛經歷

葉國俊

徐文革

祝世俊

尹振龍 校檢

徐良賓

翁源主簿

祝有任

曹以忠 淮府典簿

徐應椽

祝世卓

茂州衛經歷

徐大本 魯府奉祀正

徐日起

竹山主簿

徐肇進

延平吏目

徐希貴 宣化巡檢

徐鳳舉

儒士

徐希聖

徐起鵬

尹嘉緒

庠生

徐良弼

都司經歷

勞鍾英 主簿

勞希堯

班序

勞希軾

張仁惠

張善式

儒士

張仁懋

張善應 太醫院御醫

張應鳳

篤孝嗜學家訓肅然

方拭 太醫院御醫

汪懋易

張學禮 儒士

龔承苞

龔爾任

龔堯臣

盧龍衛經歷

祝有學

汪士蘭

張尙箎

張倬 王府引禮

徐庠 馬龍州同

徐志宏 福建經歷

徐希張

徐良貴

徐希達

徐道宏 嚴州教授

龔爾位

徐大忠

劉師舜

童志道

勞希生

國朝徐植 庠生

祝登雲

胡南瑛

吏員出仕

明翁琳 故城主簿

徐愔 光祿監事

呂緒 經歷

呂曦 宗人府知印

徐高 即墨縣丞

項叔廉 程鄉巡檢

龔仁 丹陽典史

方志堅 典史

戴宗 司獄

祝元德 典膳

王朝裔 縣丞

徐文明 縣丞

祝啓蒙 密雲經歷

余廷輝 江川典史

徐朝思 六合典史

虞珍 主簿

徐夢鯉 大使

章勤 大使

葉佐 蘭州判官

徐榮邦 都司經歷

李炳 都司都事

徐榮貴 縣丞

徐大禮 縣丞

徐大賓 乾州判

葉景魁

徐良貴

徐守禮

呂子淳

李尙賢 義勇衛經歷

王家友 以上俱衛經歷

徐志立 楊州知事

邵邦政 景陵主簿

席汝嘉 階州吏目

徐希夔 龍雲州吏目

邵祿 吏目

邵希點 知印

葉景瑞

福安典史

祝爾學

典史

呂有聲

稅課大使

祝世翔

稅課大使

朱應舉

倉大使

徐榮陞

場大使

李灼

巡檢

余用德

巡檢

徐大祿

審理正

徐夢日

典議

曹良翰

典議

邵誠望

知印

尹學仕

東主簿

尹見龍

南昌檢校

尹允棟

全州吏目

方國柱

歙縣典史

周日華

豐宜典史

周皎

姑蘇驛丞

陳文進

河西典史

邵利祥

旗手衛經歷

邵聖龍

主簿

李崇燾

洪洞典史

李景望

潛山典史

張應乾

紅心驛丞

方瑛

巡檢

張尙衍

楊其馨

招甯司巡檢

徐瑞登

臨漳典史陞衛經歷以才幹稱治家整肅有法

祝世章

主簿

祝如松

御馬大使

葉世翰

候選典史

附義民

歉歲捐賑米穀多者紀其名

明

正統四年出粟二千一百石六人

祝安

祝齡

余希哲

方彥宗

胡道榮

章伯誠

景泰四年出米麥三百五十石十有四人

陸孔熙

余克誠

龔仲禮

陳文哲

陳文達

余 諱

李廣順

龔仍茂

胡福祿

徐叔良

汪 濬

舒永堅

祝 祿

胡永益

天順二年出米一百石十二人

葉 尚

吳宗益

呂 華

余宗容

周顯廣

袁豫三

呂 周

陳時賢

陳時玉

鄭 高

汪仕宇

祝文維

徐 甯

成化元年出粟二百五十五石十四人

祝 實

勞克勤

方賢良

杜勢舉

錢勝宗

胡廣福

舒 玠

祝召穆

徐孔雲

項宗具

鄭仕傑

陸仕齡

余魯宗

尹 顯

成化二年出粟六百石二人

張里仁

邵寄養

萬曆元年出穀二百斛五人

方文淳

陸球

余有慶

徐聯芳

徐廷瑜

萬曆十七年出穀三百石一人

勞九章

奉旨冠帶
二十七年又出穀一百石

萬曆二十七年出穀千石一人

方遇寵

萬曆二十七年出穀三百石四人

尹鼎

陸大本

徐源

勞日新

萬曆二十七年出穀二百石四人

余邦哲

余邦靖

汪若江

董用德

崇禎九年出穀賑濟二人

龔承蔚

龔爾倬

余學瀚

國朝順治十三年出穀賑濟二人

王朝卿

楊國器

詹文衡

論日龍邑科第以宋為極盛明遠不逮論者以宋

都臨安王氣所鍾龍邑密邇都會故得附餘景炙
未光茅茹彙征以成師濟之盛及明都北平王氣
既遷科第亦因之中落其說似矣然地氣無常因
乎其人拘墟而圓方者非橫絕之才也隨時而改
錯者非卓犖之器也豪傑崛起不資地氣豈得謂
德星所聚必在潁川才俊攸生定居鄴下哉且天
下之事盛衰消長相爲倚伏明之不逮宋者庸知
非天意有所蘊蓄蓄積以發皇于其後耶汙萊舄
鹵之區再變則爲沃野洄湫湍悍之水一下而爲

澄淵故昔之稍衰今之將盛也景命方隆乘時邁
會都人士亦相與濯磨鏃礪共雪斯言可矣

續選舉誌

邑侯徐公續選舉誌

沈圻

龍邑誌乘自康熙辛酉邑侯盧公與鄉先達太史余公纂修以來距今六十年矣土田猶是山川猶是而官師與選舉其間升沉顯晦勢不得與之等量齊觀殊闕事焉於是乎邑侯京江徐公既搜輯历年官師姓氏續刻補入矣願官師本乎選舉而選舉率由科第其儲之國學鄉學廣而為恩拔副歲以至忠孝有祠節孝有旌加

音流縣志 卷之六
銜則有農官壽官任事則有訓科訓術如前誌
所云或以義舉或以勞升皆所以擴選舉之途
而有善必錄也當

聖世休明之會竟任其湮沒不彰可乎侯乃有再續
選舉之志而屬余哀次其姓氏科分余初謂此
固輕而易舉也而豈知自科甲而外遙遙六十
年間其他如明經等不惟年分無稽抑且姓名
莫考余滋喟然因旁搜博採以庶幾一得其或
有遺漏舛訛將厚望於後之君子時乾隆六年

嘉平月紀

進士

康熙庚辰科汪 繹榜一人

葉 魯

舉人

康熙甲子科二人

錢 鑑 懷遠知縣

祝利潤

康熙癸酉科一人

葉 魯 北場見進士

續選舉

康熙辛卯科一人

余焯

雍正己酉科一人

余嘉佑

副榜

雍正癸卯科一人

張廷昇

貢生

二十一年 尹景禹 余達

范邦達

松陽訓署縉雲
諭四舉鄉飲

二十一年 祝利潤 見舉人

二十三年 嚴日華

二十五年 余以匡

葉魯

府庠
見進士

徐炎 拔

二十七年 劉銘

二十九 張瓊玉

余遵

三十一年 馬應麟

三十三年 徐臣鳳

三十五年 尹日文

許又衡

府庠

三十七年 徐紹禮

余鈇

府庠

余養蒙

三十九年 徐佐

嚴逢高

汪仲徵

四十年 余應元 府庠

四十年 姜廷舉 府庠

嚴式 周之冕

四十年 葉華 勞天珍

四十年 汪應標 邵日修 府庠

九十年 徐卜玉 海甯訓導 祝元彰

五十年 黃世樂 葉宗長

五十年 葉廷獻 湯溪訓導 徐瑞鳳 府庠

五十年 余勵 葉長觀

五十年 邵起騰 方德懋 府庠

六十年 張嗣耕 范樞 府庠

雍正元年 陸廷謨 恩 劉世求 府庠

劉家光 拔 世求子 葉之榮

徐日文 四年 余嵩

六年 余熹 楊海平 府庠

八年 余以亨 周家圻

十年 龔紹性 吳祖任

十二年 陸廷弼 嚴震元

張光進 拔直隸試用

乾隆元年 王家培 恩

方鵬起

三年 徐文成

五年 汪映桂

葉九德 府庠

六年 余通 拔

汪映模

武進士

康熙丁丑科一人

胡琨 探花 累陞重慶總兵

乾隆己未科一人

尹武

武舉

康熙丁卯科一人

胡琨 江甯籍 見進士

雍正乙卯科一人

尹武 見進士

援例

宋兆勳 其父希聖戰沒 康熙十八年廕

嚴鳳 考授州同知

張瑞景 考授州同知

汪廣 庠生

嚴 昂

考授州同知

徐汝階

葉錦輝

庠生考授州同知

徐汝圻

勞自任

席劉昌

徐廷鉉

王集梧

侯麟趾

徐 銓

毛顯祖

勞玉麟

勞嘉章

余 仔

余聖年

王 厚

袁公瓚

周家培

葉遇春

余 本

庠生

戴世傑

徐 梧

庠生

余知問

余榮奇

徐 標

葉必大

翁紹言

余鵬年

徐日晃

邵乾正

余 珽

勞如琢

勞謙美

祝文烜

祝潤洽

陳月恒

徐瑞

吳增麟

嚴承謙

勞嘉文

葉如通

張士龍

潘昶

勞元愷

吳增麒

勞元稷

龔鈐

勞元士

供事官

祝維新

壽官

王化驪

訓科

醫學

范世禮

訓術

陰陽學

陸垆

農官

徐元鳳

方汝祥

楊廷旭

侯嘉賓

龔紹傑

徐時洪

余一瑄

孝子

續選舉

董斌

節婦

余氏

生員何邦祥妻侍奉孀姑
薛氏白頭相守垂四十年

余氏

劉經濟妻

呂氏

馬世德妻

葉氏

馬貴生妻

錢氏

徐鏊妻

徐氏

汪禹德妻

余氏

童元珍妻

徐氏

鄒子標妻

以上題請俱已建坊

待旌

楊氏

汪熊徵妻

魯氏

錢兢訓妻庠生錢濟母

姜氏

劉經學妻

邵氏

翁元仁妻

徐氏

方載揚妻庠生方淇母

張氏

翁文運妻

龍游縣志卷之十

海城盧燦惟庵重修

龍邱余恂岫雲纂輯

男勉汧公較閱

人物誌

邑有名賢邦國之光也言坊行表後人將取則焉
龍邑賢哲挺生代多碩彥而時有遠近因人有詳
畧要必稽往籍詢眾謀灼乎可據者始謹而登之
所以立儒廉頑使來者聞風興起非徒表章先哲

為邑乘焜耀而已若其人尚存槩不立傳以俟論定古之訓也誌人物第十

人物

漢龍邱萇隱居太末山中與嚴光鍾離意友善志不降辱王莽時四輔三公連辟不至更始元年任延為會稽都尉掾吏白請召萇延曰龍邱生躬德履義有伯夷原憲之節都尉洒掃其門猶懼辱焉召之不可遣功曹奉謁修書記致醫藥吏相望于道歲餘萇乃乘輦詣府門願得備錄延辭讓再三遂

署議曹祭酒尋去之病卒延自臨殯三日郡中賢

士大夫爭往觀之祀鄉賢

吳徐陵字元大為縣吏眾所未識會稽虞翻一見即與友善歷二縣長所在著稱遷零陵太守國君待以列卿之位翻遺書曰元大受上卿之遇叔向在晉未若于今其見重如此子平字伯元童齒知名虞翻甚愛之諸葛恪守丹陽以平威重有聲請于丞相遷武昌左部督傾心接物士卒樂為之用先是平為恪從事接禮甚薄及恪輔政待平益疎后

音流興誌 卷之十
恪坐誅其子建亡爲平部曲所獲平使遣去時稱其篤厚

晉徐宏字聖通習韓詩春秋舉孝廉爲汝陰令縣大姓多兼并宏至官誅鉏奸桀豪右歛手商旅露宿道不拾遺童歌之曰徐聖通政明公平刑罰奸宄空遷扶風太守與賊戰死邑人至今祀之

宋婁幼瑜字季珍家居教授不應辟召臨川王映特加賞異有集六十卷禮撫遺三十卷

樓惠明字知遠以篤行聞閒居金華山藏名遯迹宋明帝齊高帝皆召不起文惠太子延至尋辭歸俄自金華輕棹西下及就道回之豐安旬日妖賊屠城豐安獨全人異之

齊徐伯珍祖父並郡掾史伯珍少孤貧晝箬葉及地學書山水暴出漂溺宅舍村隣皆奔走伯珍累床而止讀書不輟叔父璠之與顏延之友善還袪蒙山立精舍講授伯珍徃從學積十年究心經史遊學者多依之太守琅琊王曇生吳郡張淹並加禮辟伯珍應召便退如此者凡十二焉徵士沈儼造

滕談論申以素交吳郡顧歡擲出尚書滯義伯珍
訓荅具有條理儒者宗之好釋氏老莊兼明道術
歲嘗旱伯珍筮之如期雨澍早喪妻不復娶自此
曾參宅南九里有高山班固謂之九嵎山後漢龍
邱萇隱處也伯珍移居之門前生梓樹一年合抱
館東石壁夜忽有赤光洞照白雀一雙栖其戶牖
論者以爲隱德之感永明二年刺史豫章王辟議
曹從事不就家甚貧窶兄弟四人皆白首相對時
人呼爲四皓卒年八十四受業生凡千餘人

祀鄉賢

梁鄭灼字茂昭敏而好學師事皇甫侃受三禮家貧
手抄義疏夜以繼日每筆毫盡則削而用之其刻
志如此梁簡文帝在東宮時好經術引爲西曹義
學士後仕陳終朝散大夫

唐徐安貞初名楚玉字子珍以博學宏辭舉五言應
制一歲三上俱及第開元間以武陟尉選人殿刊
正尋補麗正學士上方好文因勅供奉內庭凡有
詔令輒視其草遷起居舍人拜工部侍郎兼集賢
院學士上嘗勅曰安貞清才博達雅量深沉爲德

行之宗師是文辭之雄長寵渥備至尋進中書侍郎賜今名無何相李林甫乃遂棄官去上念其賢即其家封東海子卒贈尚書祀鄉賢

宋程汝士字虞卿性孝親歿廬墓終喪嘗入太學棄歸不復仕進銳意經史學者景從仁宗朝士大夫薦為郡教授講論不倦樞密陳旭賢良王介與臺府交章薦其孝廉特賜粟布英宗搜訪遺賢長史強起續食西卒于山陽還家易柩如生學者稱廣平先生

劉鼎學問宏博議論浩瀚一時學者皆從之同郡趙抃見而奇之曰君操履有古人風及見其文歎曰君非科目之學當抗衡韓柳子贊亦以文學名
呂防字大防少有志行極羣書嘉祐末于縣東南設義塾授書講學其中從遊者甚眾嘗聞鷄鳴叢棘中張羅捕之得金千鎰輸之官而已不染登熙甯進士先是士舉多出郡學邑中登第自防始當時稱為破天荒初授饒州刺史兼驃騎尉賜大中大夫奉祠歸講學於家學者益眾子斌景蒙景著

弟子南夫並舉進士有司揭其坊曰叢桂

祀鄉賢

呂斌字全仲防子政和間與弟景蒙同舉進士授明州象山尉轉建州刑曹階宣教郎靖康初知宜興縣當維揚之變能鎮靜不擾眾咸稱之未幾通判德安府調秀州金人犯境上親征駐蹕蘇州斌以迎扈功加左朝請郎通判臨安帥臣咸薦其能遷兩階卒贈少保開府儀同三司

劉冠字仲元年十三以薦入大學舉政和中進士擢尚書郎充吏部使者以文學知名于時有集周益公必大序其概

徐徽言字彥猷少為諸生汎涉書傳負氣豪舉有奇志大觀二年詔求材武士韓忠彥范純粹劉仲武以徽言應詔召見崇德殿賜武舉絕倫及第授保德監兵遷武經大夫撫按使政和六年夏人犯邊與吳玠統兵禦之其前軍先掠保德徽言夜半率精騎據險設伏夏人至徽言麾兵突擊擒其酋尋復繇銀州入寇命徽言統河西諸將討之夏師大敗靖康元年為晉甯都統金人圍大原據嵐石徽

言帥師渡河一戰破之欽宗以京城受圍割兩河予金又割西河三州與夏徽言率兵復三州復取嵐石等郡俄兩京 二聖北狩廩餉絕徽言屯田並塞大積芻粟教士習水戰招集土豪數百人皆以便宜指授得衆十餘萬因奏言將自統兵直趨太原徑取雁門留兵戍之命土豪得郡縣者各自爲守許以世襲既定全晉中原不日可平議雖不行敵深忌之欲速拔晉甯以除患建炎二年金人攻晉甯城五月不下城中矢盡糧竭外援不至乃

嘆曰吾不免矣無以守具遺賊乃悉焚之日日敵衆蟻集嬰城之人疲于守禦坐受鋒刃徽言獨奮大斧盡殺先登者士氣復振敵亦稍却會守將石斌受敵飛箭書遂從其所守地入徽言先置家屬空室積薪焚之率兵戰鬥下手刃甚衆左右死傷殆盡敵挾以去猶憚其威名不敢加害婁宿使所親說使具冠鞞以見叱曰朝章乃覲君父禮以入穹廬可乎汝汗僞官我猶能殺汝婁宿從容語曰二帝北去爾爲誰守徽言曰吾爲建炎天子守今

以死報太祖太宗庸知其他飲以酒持盃擲宿以
戟向之卽披腹迎刃神色自若射之罵不絕口死
猶僵立不仆時年三十九上聞震悼謂宰輔曰徽
言臨難不屈忠貫日月過二顏多矣贈晉州觀察
使謚忠壯郡邑爭繪像祀之子恭孫同死于難命
錄兄子瑋嗣授承信郎淳熙中從孫漢陽守纘進
本傳乞建祠上批付史館下吏部太常議尋官其
姪珣

祝景先靖康中陳治安十策朝廷咸爲採錄孫逋有

祖風以時多艱不樂仕進讀書談道終老子家

徐嘉字吉卿徽言從孫肆質重甫冠登第令德安嘗
諭使以人材薦召對稱旨卽改秩監都茶場趙鼎
薦嘉文儒宜在清貫除教授王邸後爲御史累遷
侍御史遂擢貳戶部兼權吏部使館伴旣覲北使
不肯以書授中使嘉經奪書以進北使大沮上嘉
之孝宗立以舊職守泉最聞泉人生祠之徙帥越
俄移守平江致仕

徐巘字仲山少以文章名與梁溪尤袤善表特稱異

之弱冠登進士第著紹興聖政寶鑑十卷以進上
嘉之卒贈儒林郎弟堯字次山登進士授國子傳
士學富才贍尤長于詩人稱家學

劉章字文孺少警異日誦數千言四冠鄉舉紹興十
五年廷對第一授鎮江軍簽判明年遷秘書郎兼
普安恩平兩王府教授遷著作佐郎事王邸四歲
專以經義文學啓迪掖導受知孝宗自此始秦檜
當國嫌不附已風言者媒孽其短出倅筠州檜死
召爲司封員外郎擢秘書少監起居郎使金還除

權工部侍郎俄兼吏部郊祀侍從上慶成詩初章
在秘書嘗議郊廟禮文當置局討論詔行其說正
遷吏部御史論章使胥長買絹高宗愕然曰劉章
必無是事御史執不已罷提舉崇道觀舉朝嗟鬱
起居郎王佐訟其寃亦坐絀起知信州未久復請
祠孝宗受禪念舊學召拜禮部侍郎奏禁邊淫祠
仍于三朝史中刪去道釋符瑞志大畧以爲非春
秋法朝廷議經畧中原調諸郡兵民頗擾少卿趙
彥端指言非是或譖彥端曰陛下寃心大舉凡所

龍游縣志 卷之十 人物誌
圖爲但資彥端一笑耳彥端懼不測上因夜對問
章曰聞卿監中有笑朕者章不知狀從容對曰聖
主所爲人焉敢笑若議論不同或者有之上意頗
解彥端獲免人稱章長者進權禮部尙書兼給事
中對選德殿問章今年幾而容貌未衰頗嘗學道
否章拱對曰臣書生無他長惟菲儉自度晏嬰一
狐裘三十年人以爲難臣以爲易上嘉嘆久之親
酒宸翰以賜俾安朕章力告歸以顯謨閣學士食
祠祿淳熙元年子之衡由御史出守廣德軍當陛

辭對便殿問卿父學士安否撫勞再三臨退復謂
曰卿歸代朕致此意旋遣使至家宣問拜端明殿
學士賜銀絹四百疋四年上表告老以資政殿學
士致仕卒年八十贈光祿大夫謚曰文靖章容狀
魁碩以周密自守出入兩朝被顧遇未嘗泄禁中

一語祀鄉賢

童用賓字國相紹興中與朱熹同賜進士通判武岡
軍遷殿中侍御史彈劾不避權要同列憚之進四
川制置使未幾謝歸築室金湖優游十年卒

音源集言
余端禮字處恭以進士第知烏程縣民間賦丁絹錢
率二氓出一縑不輸絹而折其估一縑千錢後增
至五千民不勝病端禮以告于府事得上聞又自
詣中書陳便宜歲蠲緡錢六萬時孝宗志在恢復
端禮言謀敵決勝之道有聲有實敵弱者先聲後
實以讐其氣敵强者先實後聲以俟其機機之未
至不可先機之已至不可後上喜曰卿可謂通事
體矣後以薦爲監察御史遷大理少卿轉太常少
卿權兵部侍郎兼太子詹事進吏部侍郎出知太

平州奉祠光宗立召見言天子之孝不與庶人同
今陛下之孝于壽皇當如舜之于堯行其道可也
武之于文繼其志述其事可也凡壽皇睿謀聖訓
仁政善教所嘗施于天下者願與二三大臣朝夕
講求而力行之則足以盡事親之教矣授集英殿
修撰知贛州召拜吏部尙書擢同知樞密院事與
州帥吳挺死端禮謂樞密趙汝愚曰吳氏世握蜀
兵今若復令承襲將爲後患汝愚是其言合辭以
奏光宗意未決端禮言汝愚所請爲蜀計無蜀是

音游鼎記 卷之十
無東南也今軍中請帥而遲遲不報人將生心不聽後挺子曦卒以蜀叛如端禮言上以疾不朝重華宮孝宗崩又不能發喪人情恟恟端禮謂宰相留正曰公獨不見唐肅宗朝羣臣發哀太極殿故事乎宜請太皇太后代行祭奠之禮于是宰執以請于太皇太后太皇太后垂簾策皇子嘉王卽皇帝位王流涕遜避端禮奏太上違豫大喪乏王安危之機在于呼吸今堅持退讓不思國家之大計是守匹夫之小節而昧天子之大孝也甯宗默然

收淚不得已側身就御坐之半端禮與汝愚再拜固請甯宗乃正御坐退行禫祭禮人心始安進端禮知樞密院事兼叅知政事汝愚去右丞相位端禮代之始端禮與汝愚同心共政汝愚嘗曰士論未一非余處恭不能任及韓侂胄以傳道之勞寢竊威柄大府丞呂祖儉坐上書忤侂胄南遷端禮力救不聽他日見上言除從官而中書不知朝綱已紊禍根已滋丐去不許進左丞相端禮在相位暮年擁護善類內外德之稱疾再丐退以觀文殿

大學士提舉洞霄宮尋薨授少保郇國公致仕贈

太傅謚忠肅子嶸另有傳次子禮亦舉進士

祀郇賢

劉之衡章子少穎敏讀書國學深自歛飭言笑不妄

人莫知其為貴介公子比登第為尉凡十數遷皆

預朝政韓侂胄用事勢傾中外之衡多所全護後

為吏部尚書綽有父風丐奉祠終贈銀青光祿大

夫

劉愚字必明幼警敏力學弱冠入太學有聲受業者

甚眾侍御史柴瑾祭酒顏師魯深器重之瑾每奏

對稱上意則曰臣客劉愚為臣言師魯嘗奏愚行

藝上記曰此向者柴瑾所薦也命釋褐居薦舉第

一授江陵府教授日為諸生講說同僚咸傾聽愚

益謙下不自足與葉適項安世講論不倦每以隱

居學道為樂秩滿帥王藺致書辟之固辭貧不能

歸調補安鄉縣令邑逋賦萬計愚覈實數寬限期

民不見吏而賦自足會歲歉出常平米賑貸邑佐

持不可愚曰有罪不以相累出緡錢數千萬召商

糴他郡而收元直米價頓平猶餘數千石以備饑

前漢書
卷之十
歲邑有范仲淹讀書地爲繪象立祠講學士競知
勸諸司交薦改秩愚雅不樂仕辭歸丞相余端禮
鄉人也且召堂審竟捨去不顧結廬城南頽垣敗
壁蓬蒿蕭然著書自適書禮語孟皆有解年八十
三卒故友與其門人私謚曰謙靖先生鄉郡祠之
子克幾凡克以詩名葉適稱其可繼陶韋

夏偃字元肅與同邑周升繆景仁自相師友時號三
俊以明經教授並舉進士嘗語其徒曰古之學者
下學上達今之文雖小技自有上達之理但爲科
目所累故判爲兩途耳聞者悚服

余爍字景瞻初補國子生淳熙中進士歷官至大理
太常少卿兼吏部侍郎國子祭酒以丐祠出知建
康等府江東安撫及知潭州晚進敷文閣學士兵
部尙書以光祿大夫致仕贈少師開府儀同三司
謚壯敏史官稱爍其告君必曰任賢去 告大臣
必曰開誠布公言財利必曰損上益下 和議必
曰斬使焚幣論紀綱必曰不可使中人預政令孤
直行意始終一節立朝如陽城孔戡臨邊如羊祜

杜預子峴承議郎峴子球承務郎從孫景望任兵部侍郎侂冑當國出知江州

鄭巖嵩字如山由鄉貢補入太學淳熙間伏闕上書任定遠簿以廉介稱居母喪日誦孝經德祐乙亥歲饑糴價騰湧巖嵩發粟平糴活二千口縣令舒渚上其事于秘書省榜其門曰龍川義居博士高鎔為之記

呂好問呂防之裔紹定間歷試經魁登寶佑中進士授朝奉郎歷階至中大夫直敷文閣特進顯謨閣

戶部侍郎賜紫金魚袋大中大夫兼權尚書事封龍游縣開國子食邑五百戶公智畧超邁久在兵間總理財賦精練明敏為少年所不及開慶元年表乞致仕上降勅褒獎有行誼高甚深嘉止足之風之語子鼎亨從事郎祀鄉賢

馬天驥字德夫端平登進士第二人補簽書判官廳公事歷升著作佐郎輪對假司馬光五規之名條上時弊人對言周世宗當天下四分五裂之餘一念振刷猶能轉弱為強陛下有能致之資乘可為

之勢止在一轉移間耳尋權兵部侍郎寶祐四年拜端明殿學士同簽書樞密院事封信安郡侯明年罷提舉洞霄宮景定初起知福建安撫使以職事修舉陞大學士兼沿海制置使未幾賈似道入相天下多事天驥馬奉祠歸濬湖築室以娛晚年人稱其明哲保身焉記鄉賢

胡大昌字師言端平二年進士答策直詆時政抑不敢進授衡州教授陞監察御史轉資政殿學士進戶部侍郎大昌性侃直每上疏抗言得失理宗嘗

語羣臣曰若如大昌行事朝廷何患不治度宗在

青宮以先生稱之內侍盧董用事抗章累劾不報

俄出爲太平守京北轉運使卒于官記鄉賢

元曹敏中字訥齋以進士任定海縣尹遷同知奉化州事疏通水利惠及于民

吾衍字子行耿一目讀書過目成誦精六書晚寓杭教授僦一樓生徒集其下遣弟子遞授之廉訪使徐琰造訪衍從牕間辭曰小閣不便貴人願明日走謝終身不娶王禕爲之傳

音游異言 卷之十
徐浩字伯清淹貫經史志方而行圓舉任遂昌教諭
歸老與弟清獻書院山長濟優游林下更唱迭和
有集二卷

明徐奎章字仲宣爲建甯路同知從父江浙行省理
問居龍澱水鄉明太祖兵取蘭溪乏糧婺州未克
章輸粟五千餘石已亥陞輔國大夫勅本府建造
官廳一所其子資字善觀登永樂庚子賢書拜南
臺大夫宣德元年遣御史分行天下清理軍伍資
獨稱職有能聲

江玉龍游鄉人洪武初以儒士除河南鄆陵知縣時
天下始定民多流亡招撫勸諭不逾年復業者五
百餘戶雙泊河溢造橋利涉盡心學校農桑士民
德之

何同靈山鄉人由人材選監察御史立朝正大肅清
紀綱鞠枉摘伏咸稱平反嘗書坐上曰求生于死
不得則生與死者皆無憾朝論韙之

吳廣成太平鄉人與何同並薦除太平知府性剛方
廉介太平密邇京師古謂三輔之地海宇初定編

氓未識向化廣成經理疆界疏通溝洫招撫流氓
教養士類俗爲丕變去日不携一介民不忍其去
許堪字文可至德鄉人貢入國學拜河南道監察御
史彈劾權要無所憚有指揮以外戚怙勢堪竟按
其罪誅之學士楊士奇擬之趙抃指爲鐵面御史
時工部尙書宋公禮欲于甯陽築壩遏汶水盡入
漕河公畫策以獻宋公從之疏洩衛河至海豐大
古河入凡四百五十七里自是漕輓京師罷海運
堪功爲多出知開封府治行卓然時人以包孝肅
稱之卒于官囊無長物行李蕭然所餘惟俸資七
金而已郡民思而祠之

蔡德政潞水鄉人永樂初詔舉明經縣以德政應稱
旨擢福建道御史德政自負感激彈劾不避權倖
嘗曰張綱埋輪彼何人耶朝稱賢御史

徐貴芳太平鄉人以人材舉授廣西僉事時嶺表初
下民夷襍處芳介然自守立法嚴明奸宄屏跡所
部畏憚之

胡榮字希華嗜學名於時好延納後進晚優游山水

自稱澱溪漁者孫超進士

方偉至德鄉人以太學生授刑部主事奏當稱良遷工部員外郎擢延平知府興革利弊有古循吏風夏文舉宣教鄉人以人才薦爲西安守西安古長安地民俗澆漓號稱難治文舉至首擒渠猾數人寘之法朞月民皆安堵于是大興學校士習彬彬解印日士民思之

胡超字彥超龍游鄉人爲諸生有賢名以貢入國學中式應天第六舉進士授都水主事改虞衡奉使華陽王餽遺皆不取強之勉取其一出投之江至今人以投金名其地分理通州河道隙地爲豪右所佔言于尙書悉奪還之往時京糧廩庾歲修費甚巨超盡剔宿蠹約其十之五永爲定額尋上書乞骸骨歸宏治初覃恩進階一級歲給米四石子綬舉人

余章字達夫立德鄉人勵志理學動履循禮宗黨有袒裊坐者聞其至輒反走以無子買妾杭州聞其女言父母爲怨家所陷乃焚券遣歸得遺金道上

訪其人還之與蘭溪章公懋開化吾公嘒友善相
與論正心修身戒慎恐懼之旨以貢入國學廷試
第一祭酒胡鐸奇其文方欲薦用之會卒

余默字克容立德鄉人少師吾嘒于江浦凡八年吾
道學士也故默行履方正大異流俗中已酉鄉試
授樂安學博補舒城以經義授諸生多所造就歷
官壽府長史盡匡救之道及壽府河間東海二王
皆有賢稱當事擬默爲董賈云

方冕字尚周立德鄉人性孤介事繼母撫昆弟遺孤
人稱孝友以貢除兵馬副指揮年餘念母老上書
乞終養官居一無所取嘗却徐總戎五百金而寘
之法時服其廉及母死朝夕哀號日爲喪明子鏜
以選貢授贛州甯都簿

何晉字石川澱水鄉人領甲子鄉薦卒業南雍爲章
司成懋高弟除福建興化府通判理糧餉洗冤獄
以仁廉著聲工詩古文詩宗少陵文宗昌黎著有
龍劍等賦名蟲技集又有和杜集千餘首弟音丙
子鄉薦亦以詩名一時何氏人材之盛稱彬彬文

獻云

祝品字公叙立德鄉人幼岐嶷不羣九歲選爲邑諸生以進士授刑部主事是時武宗久不視朝日遊幸西苑信任權貴朝士箝口品與同官應大猷田登范時儆咸以致身自許率同官上書切諫上怒逮獄尋貸之上亦卽日還宮直聲大振京師號七義士陞廣東提學副使取士盡嶺表之俊復調巡視海道品風裁屹立諸夷獠相向歸義茂名古堯南山賊嘯聚官兵莫能誰何品爲宣諭德威咸相

率效順又從新建伯王守仁平思仁贊畫機務新建大器之晉左叅政投劾乞歸度五嶺僅載圖書百餘卷子爾介進士爾慶舉人世其家

尹蒙早孤育于母髻中以孝稱長負意氣擔笈從師性好義急人之難嘗買棺瘞里中貧而死者歲數輒免人租逋里稱長者有二子延名師督課相繼登仕版封刑部主事卒年八十有九子照新會知縣燾潯洲知府孫貞度舉人

祝望字公望少從其父聞陳新會章蘭溪講性命之

學遂絕念仕進結廬石處山隱焉工于琴有百衲
焦葉之製每于風月夜援琴豫占晦霽羣猿環而
聽之詩饒神骨尤善臨池所至士大夫庭不絕履
學使孔公天穎表其閭爲古逸民焉年九十四無
疾終世稱海鶴仙翁

尹岑性資穎敏凡古今傳記類皆流覽而析其旨趣
慕義好施周恤宗黨尤敦于友愛與弟蒞不分財
產雖一卮一豆蒞未至不先御岑卒蒞亦哀傷成
病相繼歿至今其子姓親睦習先世之遺風于禮

繼舉人

祝璋字器之立德鄉人先世以豐財稱璋用父命起
家讀書克邑諸生璋性明爽英邁不屑與時輩伍
從遊同郡吾皞已聞章文懿公懋謝政還復遊其
門業益進屢試不第膺貢升太學時嶺南陳檢討
獻章以聘留京師乃執經往拜聞論大易遂不復
言進取旣歸乃優游家食卒子弼有集二卷
尹燾號覺亭幼專志沉思耽玩書籍不知有塵世事
兄照先得雋於鄉而燾後之卒成名進士爲潯洲

知府治郡寬和仁惠禁網濶疎誠意感孚民消詐
妄以事上剛直不阿與時忤罷官歸家城市罕覩
其面溫柔恬靜得親炙者如坐春風云

陸佐字子翼號南渚剛介饒才氣繇進士選桐城知
縣縣當兩都衝途供億甚苦佐求民利弊力爲興
除籍豪強侵蝕之湖課得千餘緡以甦鄙困而餘
以給婁士歲爲額大著廉能聲歷官潮州知府念
郡城多圯浚壕修堞已 流兵突劫民藉安堵卒
以勞瘁民事卒于官有 集行世

陸瓚字邦器號思菴佐之弟嘉靖癸丑進士時有陸
姓爲大金吾者權倖宰輔公計偕至京不爲折節
金吾銜之及廷對已得鼎甲金吾媒孽其短于元
輔巖介溪遂易置二甲授工部督工大內以指掌
筭訣查核匠役工直錙銖不爽歲所節省以萬計
擢南雄郡守尋進四川左叅政所至拊循惠愛民
懷其德強仕乞歸居鄉三十餘載爲人長厚恬淡
無貴顯容鄉評至今重之時與兄佐相繼登朝人
謂佐有爲瓚有守稱二陸云子世彥號學菴爲名

孝廉以博雅稱

毛汝麒字伯祥號露山嘉靖丁未進士出瞿文懿公門令番禺善撫字加意興文以忤監司左遷常德判未幾補廣平署五邑篆全活饑民萬計陞贛州同知賊酋章連亂時比之甯庶人之害麒練兵討之直搗穴平焉以功加四品俸隨擢江右兵備僉事尤多擒勦之功倡明理學謀于中丞陸穩刊布陽明年譜爲士人模楷盛傳海內尋投劾東歸極意興起後學議建龍洲塔造鳳翔洲神廟以鎖水

口草昧之功益匪細也番禺廣平俱祠名宦豫章則祀之三賢祠云

余湘字毓靈號東衢立德鄉人生而穎異經史過目終身勿忘爲諸生文辭超脫試輒高等性疎曠不慕聲華曾遊鄒先生子益門明濂洛之學尤精易指旁及天文地理陰陽厯律靡不研究尤有心當世之務以貢授臨武知縣有賢聲居家孝友好周急治喪盡革陋習晚與同邑徐天民輩商訂執中之旨多所發明著有鮒窺詹櫺十一卷

尹禮繼字世敬澱水鄉人襟度融鬯雅慕王文成良知之旨務叩其奧而不立門戶署福清教與試廣西闡首薦曹學程評其文有正氣後學程果以骨鯁顯陞順天教授以造士著聞遷漳州府通判有惠政州人祠祀之林下二十年日惟賦詩自娛詩宗少陵得其風韻有集行世

徐天民字邦中弱冠聞王文成公學毅然師事之及錢緒山王龍溪兩先生皆相與問學焉學以立誠爲主與人交洞豁底裏無貴賤教掖獎勵人咸暱就之充貢上公車館學士趙公志臯署時大吏不喜儒術譚理學者迭巡縮舌學士得天民至甚喜日與講學不輟奉常與徐奉常用檢集講僂焉以老不及深造爲恨奉常日每與水南言必有悟入真生平第一知己也卒年六十九學者稱水南先生有集行世

祀鄉賢

王之弼字以忠神情超邁初聞王文成之學揣意向之生平無日廢學亦無日廢遊從徐公用檢祝公世祿集講則遊齊雲赴萬公廷言譚道之約則遊

龍游縣志 卷之十
豫章因訪劉盧蕭與之剖析名理居安福者三年未幾故人趙志阜入相延之署中稍煩以應製憮然曰歸乎枋榆蹄涔吾固有之遂還里中履日滿戶外詩古文辭駸駸大家邑令萬廷謙爲梓集行世

葉良相字邦佐宣教鄉人攻制義爲諸生受學錢緒山與聞良知之旨居家以孝友立訓倡立宗祠勝督學伯輪遴良相與徐天民爲天貞書院長明年相當充貢力讓天民更十二年相始貢司訓婺源

講論賸賸士樂從焉擢廬州未幾致仕歸盡出其橐分給祠中之能學者大足振頽俗焉

龔世仰字惟仁號曉峰戊午舉人初任鷄澤教諭轉望江令望江地饒魚鹽蓄植歲有稅額前令多取贏以什之五奉當道世仰不忍剝民亟裁罷之邑有松百里上官議伐而鬻之以資除道世仰抗爭之畱松爲行道憩息地每事愛民不依阿取容以此忤上遂復謫教再徙輝令輝有五閘灌溉田畝中貴人欲擅以爲利世仰力持不可事遂寢歲凶

多逋負以不忍催科坐左轉歸家居脉元不履城

市惟課子談藝後其子承薦遂捷南宮

祀鄉賢

余邦輔號松野登辛酉鄉薦以丙戌副榜授膠州知州改鄭州州臨大道使車輻輳邦輔加意樽節以甦民困又城東賈魯河歲潰決為民害邦輔築堤捍禦民被其賜以忤權要去官里居之日以泊鯉灘下水口不固倡議構橋募緣鳩工積六稔橋成鄉里賴之實為今文昌橋之始子用昌字希文以鄉薦官儋州知州父子並為州牧人艷稱之

祝致和字達卿立德鄉人以進士司理興化五年清

白明恕士民戴而祀之遷刑部主事已而相繼罹

親喪哀號殊甚幾于滅性再補刑曹殫心讞獄且

自次母孺人狀乞銘益倍哀痛嘔血而死囊中僅

有一銀帶預命銷以治棺辦喪扶襯咸藉麥舟聞

者悲悼凡歷仕十有六年清操如一日

祀鄉賢

童珮字子鳴澱水鄉人家貧從其父載書往來吳越

間少不能從師塾從其父挾策問字輒通曉意義

買一舫遊四方帆檣下皆貯書讀之窮日夜不休

又善考證書畫金石彝敦之屬嘗遊崑山執經于
歸太僕太僕爲贈序道其依依問學之意久之學
益富詩歌日益有名海內詞宗王元美諸公咸與
之遊而王百谷稱登九稱莫逆大保朱忠禧與其
兄恭靖王遣人邀至京師愛而欲客之一夕遯去
勿顧常與高滄韓邦憲定交逆旅邦憲守衢親過
其家山塢中序布衣昆弟之誼公絕不緣以爲利
太守下教邑綱紀龍邱逸民前萇後珮其樹棹楔
左間以風在野公固辭請爲祠以祀龍邱先生邑

有龍邱祠自此始邦憲卒于官徒步送其喪踰嶺
病憊夢太守邀與並駕遂病寢劇而卒年五十四
子鳴藏書萬卷皆手自勘讐古貌素心超然塵表
篤于交誼有所期雖千里不爽薄田數十畝割其
租以創村塾龍有溺女之俗公捐羨粟以給舉女
者有文集行世王元美王百谷兩先生皆爲之傳
徐任道字仁卿登萬厯丙戌進士卽宋雙侍御柙杓
後也由西徐遷居郡城少有文譽起家爲河南固
始令多惠政罷民間稅七百餘緡所濬均濟河延

衰百里度以長虹而不費民力稱承賴焉及應徵
召入爲御史旋構羸疾志鬱勃未盡展也以封公
有孽子疾且革強瞋日日弟方幼吾未及撫其成
無以見先人于地下凡先人所遺悉以屬之于是
其子應雷敬承父志悉如所命應雷字震伯太學
生性至孝侍御史之喪扶襯南旋哀毀骨立事繼
母吳氏尤盡色養內外無間言子國珩字鳴玉以
明經任樞部郎道德文章藉甚海內四方知名之
士聞風嚮慕者每不遠千里而至尤留心經濟以

民生利病爲已任捍災禦患有功桑梓甚大以旣
隸西籍不復詳載云

何克讚字畏齋以選貢入京海內名士多與之遊而
郭公子章尤器重之謁選爲福建泉州倅廉靜自
持泉之士大夫至今誦之不絕

余崇文號質菴壬午舉人寬大長者與人交不見愠
怒之色橫逆當前犯而不校爲潯州司李轉平樂
同知治獄明允皆以豈悌稱

葉文懋號翼雲城南曹氏之裔葉其母族也母舅無

子丐以爲嗣因襲葉姓中萬厯壬午鄉試以國子
監學錄陞武昌府同知文懋天性仁慈掌理捕務
不徇盜口妄陷良善兩攝府篆又署武蒲二邑皆
以廉潔著稱署權黃州尤恤商困稅取足額而止
不苛索奇羨有忌之者以大計陰中之去官之日
人人灑泣攀送幾不得行居鄉敦古道以尊祖睦
族爲先兩募修通駟橋爲民興利至今發祥菴肖
像祀之

祝萬甯字安卿立德鄉人事親以孝聞篤於友誼餼
同志數輩讀書別業卒相繼薦于鄉初令封川清
介有風裁以最調高要時採使橫行力爲裁制惠
政良多未幾海上獲閩賈艘以倭報當事者檄甯
覆訊監司嗾之必無沒吾功甯曰柰何殺人以自
樹乎竟辨其冤兩邑士民至今追思

張文介字惟守爲博士弟子員爛于詞賦澹雅秀逸
卓然成家常遊益藩禮爲重客分題授簡擬于鄒
枚所著有代贄題竹醉吟孤憤湖上諸編選入國
朝十二名家中虞山錢蒙叟近選列朝詩集亦梓

入焉

張羽翔字儀明澱北橫山人性至孝立身正直一介不苟登萬厯辛卯賢書時二親已逝每至諱日水漿不入口危坐思慕至老無異因號有懷初任蒲州守執法不撓人不敢干以私凡陋規積弊可克囊橐者悉屏去毫髮不染大計賜清廉寔爲天下有司第一會以忤貴人意降調陝西苑馬監正轉判雲南尋甸府撫平蠻熒諸蠻軍民賴以甯集陞柳州府同知揖思恩府及賓州象州等篆所至有

惠政鋤豪剔蠹奸宄爲之斂跡歷宦二十年俸八之外不贏一錢家徒四壁揮絃自娛晏如也年七十卒至本朝河東張公昌期來令龍游述其少時具聞蒞蒲德政欲得一拜遺像其清風遺澤深入人心如此

余燁字明之夙負雋才博綜典籍學者稱爲成吾先生弱冠補諸生受知于邑令南昌徐公前後事兩繼母純孝同於離屬性嚴毅方正不樂諧俗人有過輒廷斥之不少假借長日正色雖甚親暱未嘗

見其情容叠丁四艱讀禮者十載萬厯辛卯省試
幾得雋而復落遂棄經生業究心青烏家言探厥
秘奧營塋三世咸得吉壤窀穸之費悉自任不累
昆從其後叔子日新以進士官至周鄉次孫恂辛
卯發解聯捷官至宮諭世謂堪輿之奇驗實亦孝
友之發祥也

禮鄉賢

龔承薦字彥升號湛源萬厯丁酉恩貢中順天丙午
鄉試癸丑進士初授兵部職方司主事轉武選司
郎中量才授任號稱得人歷任福建延平知府以

內艱補建甯知府舉治行第一擢廣東鹽屯道副
使遷湖廣下荆南道叅政四川按察使所至有清
節興利除害抑強扶弱民咸懷之在粵東時值海
道缺前任多以穢聞當道特委令攝篆舊日澳夷
貿易舛過省會五羊驛輒指爲私貨籍其資又盤
驗銀兩以意爲多寡設法婪取承薦一切禁革夷
人感之以番字勒碑誦德焉至於讞獄遇有矜疑
輒婉轉開釋全活甚多會以楚藩事誑誤免官居
鄉慕范文正之風捐田贍族族人賴之閉戶却掃

音游縣志 卷之十
足不入城晚益好學披覽不輟所著有嘯歌集未
梓行世

葉世龍字光甫幼事父母以孝聞及長博覽通涉閩
蘇濬有人倫鑒甚奇之親沒撫幼弟曲盡友愛屢
試于鄉輒報罷李廷機郝敬柯景幾得之復不遇
後以明經歷訓西吳東魯轉江右吉安教授所至
造士有法督師熊文燦勦賊屯其地會當檄致四
方問能文者于刺史刺史以世龍薦倚馬草檄慷
慨清亮熊深激賞之欲携同行陣以疾辭歸生平

志行高整好拔單寒門下士千餘徃徃多成英彥
弟世駿力學有逸才文譽甚著試輒高等卽受業
其門亦數奇不遇于世

尹邦登字春臺萬麻丁巳歲貢善屬文屢試高等從
學甚衆科第多出其門官滁州判有惠政時州人
金拱敬方偃蹇未遇公深器其才延訓諸子厚待
之後拱敬登第爲銓部人服公識鑒云

祝錫範字克舉以明經授襄陽別駕時流賊蹂躪中
原荆襄鄖陽尤甚鄖撫盧象昇晉督七省凡糗糧

芻芟悉仰給焉會朝議遣使招撫象昇特舉錫範
往賊初見時頗有加禮後聞象昇改授宣大賊曰
天下事可知矣我將入蜀君能從我我富貴君錫
範慟哭曰江漢沮漳明鑒予心遂自縊于錫莪山
賊嘆息久之曰忠臣也懸標于尸上詰朝拔營去
襄王親書盡忠報國四字送其柩歸葬焉

余敦倫字敬敷號百原早歲失怙事母盡色養之道
以浙闈屢蹶援例入北闈舉庚午鄉薦以學正陞
刑部司務尋陞四川司主事調工部營繕司督修
歷代帝王廟及神樞營房趨事克敏著有勞績以
同僚齟齬改補調外尋致仕澹約性成不妄取亦
不妄予居林下十餘載杜門却掃長吏罕覩其面
蓋近于古之狷者云

余日新字君又號瞿父明敏有異姿力學好古出自
天授爲文沉鬱峻茂洞樞抉奧俗儒驚怪獨爲方
孟旋先生所賞天性孝友備極篤至甘脆之奉以
一貧士獨任据拮不令闕乏旁及昆季亦仰給焉
凡六赴省試不售天啓辛酉始見知漢陽李愚公

音泐果言 卷之十一
虞山錢蒙叟崇禎甲戌成進士授閩漳浦令先教化嚴保伍築戍鎮緩寇盜清塚稅復食鹽汰羨金減贖緩善政歷歷詳金浦名宦志中時邑中黃石齋先生直節重海內以其操履清介深加器重成石交焉壬午擢監察御史未匝月超次巡按山東時方被兵輕騎至德州登埤拒守既解嚴六郡坊社無鷄犬聲謀國者猶日督綱課不休日新奏請捐逋疏凡三上其詞甚切又爲陳三府俵馬之害止關甯米豆之供停膠萊海運之議當事韙之又

薦起名臣劉宗周惠世揚鄭三俊黃道周章正宸等彈劾司馬陳啓新忻城伯趙之龍等皆言人所不敢言者尋加太僕卿甲申之變差事遄竣潔身還里邑有大賦役大利害必出而力爭其最著者邑舊例里役有差米之累十年一僉僉輒破產日新力主釐革改爲官解鄉里至今誦之戊戌仲夏八日奉贈君木主進鄉賢祠越三日自剋時日無疾而逝生平仁厚未嘗意氣加人晚好讀史尤精周易日手一編尋味不輟教子敬以事君誠以立

志至於進退得失聽之義命故其子宮諭恂丁酉
典試八閩歸卽請告實出自庭訓也

祀鄉賢

翁祚字子長少遊吳中與張西銘楊維斗張受先諸
先生友善篤學嗜古穿穴經傳鑽研討味終老不
輟家寒無僮石儲處之晏然口不問家人生產有
言及阿堵者面發頰輒揮使去每歲教授生徒束
修而外雖片楮寸管亦不妄取其耿介獨行近古
未有也朋友有過以正義相規或面譙讓之不少
回護丙子新例選貢局闈再試之同于鄉舉祚中

選會遭亂不仕古文宗兩漢詩學昌黎有集藏家
未梓行世

方鳴秋字元駕事繼母以孝聞爲諸生工古文詩詞
倚待立就沉毅膽決胸饒智畧爲人排難解紛不
責其報有魯仲連之風與余罔卿爲莫逆交罔卿
子恂幼時受鞠養之恩事之如父精于天文奇門
遁甲之術獨得其秘思爲國家建立勲業有鼎鐘
竹帛之志以濩落不遇無所展其奇晚年始用薦
辟授通判時已不可爲辭不就年八十卒于家

何喬遇字人徒博覽洽聞少與王思任爲石交同在
郭青螺舍中講習經義思任返遂登第喬遇拓落
不遇番三十年雖三世爲別駕家酷貧衣食往往
不克貯書數千卷無不貫綜涉獵以明經司教甬
東俄轉宣平士問奇者屢滿戶外後思任在越中
薦喬遇待詔闕下不就家居著述甚富以兵燹之
後多散佚不傳

王之璽字漢先賦姿高邁俊朗不羣性嗜酒涉獵書
史以酒佐之著史醉百餘卷雅好遊登山臨水必
有清吟著勝酬集陳函暉稱其雋才漢思文囿之
鳳以明經不仕卒於家

呂之節字次公登天啓辛酉鄉薦以新昌教諭擢廣
州同知廣州地處嶺表不逞之徒往往煽聚之節
審計討捕具有方畧尋知高州府旋擢嶺南道叅
政是時中原板蕩粵東盜賊益起之節機警有餘
因時制變民賴以安入 本朝輸誠歸里年七十
餘卒于家

余一鳳字孟威五歲失母事繼母至孝服勞罔懈待

異母弟尤篤友愛怡愉雍睦蓋孝友其天植也甫弱冠登鄉薦屢上春官不第署建德學博尋轉武鄉令時邑數被兵百姓轉徙村落虛無人一鳳勞來招集設計振業之民襁負來歸道路相屬其爲政務以德化民不事擊斷人懷其惠在治三年報政爲三晉最直指特薦調繁太原未及任會闖賊陷河東義不污賊徒步間道歸自襍被外子然無有也家居二十年甘守困約幾不能舉火晚號宗陶居士自擬靖節云

余恂字孺子號岫雲又號還菴太僕瞿父公之仲子也生而穎敏有異凡童年十五爲諸生名噪膠庠不屑爲經生之學凡子史百家無不畢覽上下古今肆志墳典每試輒冠軍尤爲督學李公際期所賞是年有特典授明經恂戀晨昏不願赴闕以讓其次辛卯金沙蔣公綏菴闈中得恂卷驚喜擊節嘆爲文恪以來一燈復續遍示考官同聲激賞遂拔解首榜發後闈墨及平日藏稿人人爭購風氣爲之不變國初文運廓清寔由於此論者謂有

起衰之功焉壬辰成進士考選度常凡閣試御試每擢第一恂少時詩宗漢魏古文法先秦及在館閣又出入於唐宋大家文追昌黎詩追少陵而間出於元白蓋屢變而益進云甲午散館授翰林院檢討是時

世祖最重翰苑之臣常簡選五六人皆老成宿望者恂資叙最後得與其選瀛臺西苑朝夕侍從以備顧問

世祖察恂樸誠可屬大事寵眷尤渥且晚且將枋用丙申一歲三遷遂拜左春坊左諭德同僚以恂天懷坦白嘗戲呼爲天機子

世祖聞之亦忻然撫掌也恂雖被知遇然至性純孝以二親年邁孺慕尤切欲乞假歸省而是時尚斬侍臣予告之例每於宰執前涕泣陳請其語亦稍聞于上會丁酉鄉試禮臣以閩闈考官上請

世祖稔知科場積弊以其清慎遂越次點用亦隱體侍臣屺岵之思使得便道歸里也受命之日愈感激自奮誓以得人爲報入闈後嚴絕私竇必公必誠

取士百餘人皆八閩知名孤寒之士是科考官多
僱重譴而惟閩闈纖毫無可指摘且稱得人最盛
云事竣以使節畫錦里門眷戀庭闈必不忍去遂
引疾固請奏上未及允遂丁父艱繼丁母艱先後
得侍寢嘗藥親視含殮人以爲誠孝之感恂素性
淡於仕進嘗以出處之際比諸無心之雲倦還之
鳥故以岫雲還庵爲號服闋後肥遯愈堅以疾乞
休前後數載章屢上會

世

祖鼎湖上

方得請歸里之歲年三十三得請之時

尙未四十懸車于強仕之前勇退於主眷之日尤
爲古今所難林居二十年於郡邑利弊悉心講求
凡開府太僚以及監司守令皆傾懷諮訪恂知無
不言或剴切敷陳或委曲調劑如崇學校革弊俗
蠲逋賦籌荒政省徭役其有功於桑梓者甚大承
其父太僕公之後兩世清操自奉不異寒素然好
施之懷至老彌篤族黨之中待以舉火者數十家
歲儉憫饑寒僵仆者施糜粥絮衣及醫藥裨措之
屬賑恤始無虛日凡邑中費序橋梁陂堰悉皆捐

資興復生平爲人居家之孝友待物之仁恕持已之謙和有不可及者聞善樂稱而未言人之惡受德必報而未嘗記人之怨教訓子孫以敦厚退讓庶幾萬石之風甲寅閩變邑中民皆逃散獨誓死不去會得賢令 定固守計城賴以全丙辰寇未靖以憂憤得疾而卒先期一夕夢有車騎迎導而去時年五十二郡邑士民與四方知交聞之俱爲隕涕生平著述已刻者有燕吟南籟詩草其他詩古文數十卷雜著數十卷嗣刻行世歿未踰年

卽崇祀鄉賢

陸長卿字效如少耽學神儀明秀不交外物祖佐潮州刺史以篤實謙和訓其家長卿能法其祖弱冠爲沈博絕麗之文甲午鄉試中式辛丑登進士授江華縣令江華苗民雜處最號難治長卿俯仰進退咸有風則於是苗民畏服會滇黔寇變將汚以僞官矢志不從欲投岸自盡家人救止之猶折傷左足竟以憂憤卒孺人徐氏從十戈槍攘中間關千里扶柩以歸君子賢之

楊順字伯康立德鄉人元末明師克東陽率眾歸義
 命督一軍當括寇連戰于靈山安仁皆破之俄命
 從大將軍常遇春攻衢州斬萬戶一人獲百戶一
 人兩有銀器綵緞名馬之賚尋命從大將軍胡大
 海取江西信州斬獲無算加武德將軍歸安衛正
 千戶子孫世襲已而海上捕倭駐師金山感疾卒
 席永字孟常宣教鄉人祖貴以功授小旗正統初永
 襲職時括賊葉宗留鄧茂七相繼反寇福建漳泉
 順是順字效岐也如學順也衣不交不認亦內順
 順是順字效岐也如學順也衣不交不認亦內順
 順是順字效岐也如學順也衣不交不認亦內順

武畧

楊順字伯康立德鄉人元末明師克東陽率眾歸義
 命督一軍當括寇連戰于靈山安仁皆破之俄命
 從大將軍常遇春攻衢州斬萬戶一人獲百戶一
 人兩有銀器綵緞名馬之賚尋命從大將軍胡大
 海取江西信州斬獲無算加武德將軍歸安衛正
 千戶子孫世襲已而海上捕倭駐師金山感疾卒
 席永字孟常宣教鄉人祖貴以功授小旗正統初永
 襲職時括賊葉宗留鄧茂七相繼反寇福建漳泉

等郡朝廷遣將討之永在伍中大小三十戰生擒
賊渠數人陞總旗尋隸武清侯麾下遇賊雷公山
逐北二千里賊爲披靡授百戶天順初從征兩廣
有功陞副千戶明年從平荆襄獻俘于朝進大甯
中衛指揮僉事子孫世襲

葉應武字武子美儀觀善騎射萬曆乙卯武闈鄉試
第一己未會試第四授京營遊擊數獲大盜時蜀
中蘭酋霍首相繼叛請援于朝范景文李應昇交
薦遂調入蜀督師朱燮元深器之每與同行陣克

復遵義等處其力居多丁卯調遼東塔山援師救
錦屢著戰功尋權薊鎮副總兵數上書言邊事不
報己巳 皇清兵入大安口圍薊州應武以孤軍
奮勇格鬪箭鏃雨集力不能支遂沒于陣其妾趙
氏有殊色痛哭求死斬於漢莊城下明年督師孫
承宗以應武殉難聞于朝贈左軍都督府都督同
知妾趙氏一品夫人賜祭葬

徐大鵬字翔雲少負膂力嗜酒任氣聞朝廷令麻貴
劉綎將兵討倭荷戟從之渡海屢戰悉捷明年搗

首反朝令劉綎征蜀大鵬爲前驅直入婁山平其
地尋又從熊文燦征鄭芝龍芝龍降以累功授副
總兵崇禎己巳 皇清兵入關大鵬守平子門兵
既退上書斥大司馬張鳳翼誤國書三上不報遂
糾首輔溫體仁黨庇之罪朝廷大怒詔繫獄將斬
之會張鳳翼得罪去大鵬上書自理詔從未減遣
戍榆林旋赦歸年九十四終于家

孝行

明夏源清洪武庚申以孝弟力田舉奉使蜀府克慎
厥職王有所餽力辭不受至今相傳其家四世同
居百口共食云

徐履誠立德鄉人性篤孝讀書譚道門多名士累辟
明經以母老不就母卒不食五日幾絕廬墓三年
常預修章皇帝實錄賜銀幣先是纂修郡志人稱
核實云子琪

徐琪字廷璧爲邑諸生至孝善剪書章皇帝常見之

召入都賜見便殿珙從袖中剪皇帝萬萬歲五字以進上大悅隨命以冠帶監生辦事內庭備顧問恩眷殊渥及正統初條陳便民十事因素爲權倖所嫉乃除陝西都司經歷歷常州濟南通判聞親喪棄官廬墓凡六年以父平生愛蓮移植墓池有並蒂之異人以爲孝感所致事聞旌表其門

周凱字希文爲太學生以母老歸養讀書于家依依親側終身不仕有所著家規行于世

翁敬夫字樸之父客死濟甯敬夫匍伏奔往見暴棺盈野莫知所從乃焚香籲天悲號躄踊期以酒醑不漬者爲父屍遍歷卒不得終身泣血常如袒括之日

葉希學幼孤育于母傅旣長孝謹備至兄客死撫其三子如己出母卒哀毀垂絕子茂堅亦以孝稱茂堅子昌爲邑諸生竭力奉父父病籲天以身代及不起廬墓終喪靈鵲爲巢人人稱孝感云年百歲終凡獎檄七十賓飲三千餘焉萬曆十六年詔建坊曰孝子百歲坊

何者年十五值母病劇醫藥不效割股和湯以進母
飲之甘病愈道得遺金百緡候其人還之晚好易
占筮奇驗

龔宗堯父有疾經歲不瘳日夜衣不解帶及卒哀痛
幾絕會隣人失火風烈甚號泣柩側俄反風火滅
葬時有異鳥數百集于塚上監司屢旌其門
葉敦字子厚宣教鄉人性至孝年九十餘吟咏山谷
間不識縣治

陸順中字裕文自幼篤孝大母余母勞皆孀居順中
事之定省甚恪務在承顏居母喪寢苦枕塊自始
殯至虞禫皆循制三年不入內寢爲諸生好折節
讀書所著述甚富惜用世之志不究而卒女敬姬
善詩文另有傳

陳貞奇巖頭人父得危疾藥餌無效乃焚香籲天割
左股以進卒不救居喪泣血哀毀匍匐不能起旣
而母病垂危復泣拜于廟重割右股母病隨愈常
語人曰神之佑我能愈我母而不能愈我父是初
念猶未誠也每嗟悔泣下人稱其孝

烈女

宋徐氏劉愚妻愚少貧居敝廬窘甚無幾微怨愚常
出經歲書篋中有黃金携歸徐怒曰我以子賢若
何以有此愚指書曰以束修得耳乃已

元何氏至正末大亂爲游兵所執不辱乃裂帛題詩
縮衣帶間投江死時年十九

明王氏夏應保妻袁氏夏文達妻邵氏夏文質妻咸
年未三十相繼夫死同志守節當元季流離之時
無少玷洪武初父母述其事于朝表其門爲夏氏

音泐縣志 卷之十 四十六
三節又應保母馬氏亦蚤寡守志當時謂之四節
黃氏夏道順妻歸夏二暮道順客死族人利其貲勒
之嫁黃以死自矢守節終身

董桂貞勞載實妻年二十嫁實實病足未幾死姑以
無子勸其再適桂貞取刀斷髮泣曰甯死弗失吾
天也貞靜自守不妄語笑年六十卒題請旌表建
坊于邑西門

周菊娘葉延慶妻年十八歸延慶一載而夫死自誓
終老不出戶庭奉詔旌其門

徐氏蓮姑初字方鍾鍾流落于外死蓮姑聞之卽爲
縞衣舉哀力請歸方遣告姑幸築一室爲終身計
姑難之時有杜謙求爲配蓮姑哀慟先斷其髮欲
自刃以救而免謙他日給公家帖來脇蓮姑大罵
裂其文且度不免佯許入具膏沐人不爲備乃閉
戶更衣自經死時年二十八嘉靖中上其事于朝
詔立貞烈祠祀之

杜氏庠生陸奎妻歸三年而寡家人強再適因剪髮
示志年八十五卒事聞旌表之今其坊在蓮姑祠

北

徐儀姑年十八嫁余久齡越歲生子甫七日齡亡懼族人奪其志襁其孤歸母家及子成立始還年六十卒克昌厥后賜璧璽皆其孫

徐氏余克量妻量死有娠三月家人投藥墮其胎徐大慟歸母家母家貧復慮爲所奪因蓬首垢面局一室獨居狎狂避人卒獲完節八十三終

傅氏葉饒宗妻年二十三而饒宗死遺二孤人利其嫁爲議婚乃斷髮持兩兒慟曰是覆葉宗必欲吾

嫁有如此髮議者慚而退終老無玷

徐氏余瓘妻年三十夫亡卽毀膏沐脫簪珥終其身編素延師教子務底有成仲子湘官臨武令

呂菊姑祝公廉妻廉父以里胥輸賦死南京廉亦尋以憂卒菊姑年十九有遺腹三月乃貨簪珥遣人至喪所扶柩歸孝事其姑竟克家昌後以壽終
吳氏項永實妻實客死嶺南吳聞孤地哭十指血流夫喪歸誓欲殉葬家人共守之少怠卽沐浴服斬衰衣內外手自聯綴經死年二十四

音游縣志 卷之十一
錢氏徐榮廣妻年二十五而夫亡幼孤復死族勸之
嫁詈而拒之年七十卒

王氏尹泗妻泗病經歲日事湯藥火撲傷左目泗垂
絕數顧王不能舍泣曰君其欲妾同死耶妾不卽
死欲具君后事耳因先自經于榻后先是泗兄濬
妻吳氏亦以節終縣以雙節旌之

張氏尹恢妻年二十恢死貧甚織紵以撫其孤性嚴
憚親族鮮識面郡旌其門

徐氏張魁洪妻撫育遺孤終始無玷年八十餘卒

王氏廩生何克譽妻歸一年譽卒隨自經衆救得免
譽弟克興妻葉氏年十五興病瘵日禱以身代及
卒撫育遺孤日督課之與王氏並以節歿縣旌之
日一門雙節

勞氏陸榮妻年二十八而榮死有遺腹子撫之至成
立與姑余氏並以節稱

黃玉瑩許聘周天寵寵病瘵玉瑩時年十九堅求侍
夫病父母不能止聽之寵死黃揭夫遺像日夜相
對悲哭尋亦嘔血卒時年二十六

徐玉姑貢士王紳妻孀居時子五歲以紡績自贍誓死不嫁人有勸者輒厲刃相向

李氏毛一清妻年二十嫁清清客粵死喪歸口齧斷紼欲入殉以救免三年躡踊一室姑勒之嫁誓死不從死之日肌骨無復人形

汪氏方昊祖妻年十八而昊祖病亡其姑王氏亦早孀居汪乃含哀承順盡心婦道后姑死二子成立常哭謂其子曰吾向之不哭爾父者懼傷姑心且慮人之議我不能安其室耳豈忘爾父哉人爭以

孝智稱之卒年九十有五

張氏龔崇勳妻年十九寡居家貧紡績以養姑伯玉強之嫁避跡誓死不從竟撫遺孤成立年八十而終

周錦姑字胡松松商久不歸其翁往覓松並死于道訃聞卽奔歸侍姑哀慟累絕姑念其少將諾他聘錦姑泣曰婦方痛夫若舅柰何奪婦志遂辭歸母家紡績養親至老猶盤絲若處子年七十餘忽一日沐浴更衣端坐卒奉詔旌其門曰孝烈

陳氏字儒生陸世揚揚死哀號不絕口乞奔夫喪父不得已命往因留不去時時號哭事姑以孝稱會葉氏世揚弟世明亦早寡妯娌共居一閣縣以雙節旌之及姑歿既葬陳慟曰婦道畢矣瞑目端坐而終後其媳余氏亦以孀居守節與姑同建雙旌貞節坊

葉玉娘龔世亨妻生一子甫匝月而亨亡玉娘矢以節自守即以節名其孤且曰此子倘得成立庶與未亡人之節俱完矣凜凜冰操歷七十年如一日後子節以善行著聞郡縣交嘉之乃旌母之節

葉氏六姑初字儒童方世薦薦病瘵死六姑聞訃哭絕而甦即跽告父母曰願入方門侍姑守志父母百計阻之姑以甌擲地日所不堅女節奉姑嫜紹絕允者有如此甌遂焚刺繡絕飲食號慟四日夜父母知不可奪遂歸于方日侍姑側辟纒治生姑病割股以療卒事姑終老撫繼嗣成立一如前盟年三十三卒萬厯間題請旌表人以六姑與蓮姑俱字于方氏而貞烈後先媲美遂併祀于蓮姑之

側俱建坊祠前

陸敬姬名靜專陸順中之女順中博學能詩敬姬生而穎異偕羣季同奉庭訓而警悟過之順中奇愛之廣爲擇婿不欲與凡兒會蘭谿徐公魯源盛稱其里中舒大猷才遂歸焉歸舒後益肆力羣籍與大猷考古證今分題授簡閨閣之間不異良友大猷妹夫胡元瑞方有盛名時與大猷拈韻賦詩一日大猷以敬姬詩給爲已作示元瑞讀之元瑞憑几叫絕大猷以實告乃嘆曰使君果自操筆亦恐

未勝此也大猷時遊學姚江敬姬居家奉事姑嫜備極孝謹大猷登賢書北上春官會其姑邁危疾敬姬日侍湯藥寢不解袂願天求代刲股和湯以進姑病獲甦而敬姬以創疾遂不起時年三十有四敬姬儀狀爾雅意態冲夷雅擅通材箏笛小技各曉其意尤長于琴每自製新曲譜入太絃爲古文詩詞博雅俊逸所著有蘭雪稿凡二十卷又有讀史評一書翻駁古人疑義得曹大家筆意未授梓以遭火盡失今止有焚餘稿詩詞一卷其孫士

麟所搜輯云

徐氏余煒妻天性仁孝婉婉聽從備極柔順祖姑姜氏性甚厲待子婦殊束濕寡恩徐氏上事兩代曲意彌縫卒能感格人以爲難家貧好行其德叔姑之婢以失衣懼刑將赴水徐氏遇問故解身上襦與之日儂衣與若主所製同一機絲持此足補亾也婢以獲免其相夫教子率以仁恕爲先晚年困約益甚倍刻厲修省無幾微怨尤之色里中言閨範者必以徐氏爲法焉後以子日新貴贈孺人

李氏名慶爲壽昌李茂春之女許字翁應兆應兆以暴疾亡李氏聞訃哭慟引刀欲自殊母掬免因謝母歸翁入門擗踊盡哀事舅姑執婦禮甚謹茂春以明經補潁州判又自穎遷聞悉召其女同至官所莫從容徐奪之李矢志不變設計辭歸中途舟阻風惡百艘多覆沒聞空中有呵護聲李舟獨無恙時溺尸滿江許李出橐中裝百餘金爲備棺槨殮埋而去歸家下捷樓居一夕火作幾及樓李捧木主堅坐不動俄風反樓巍然存人以爲天之默

相也卒年五十六萬麻間勅賜建坊旌其都

葉氏橫山民張恒妻恒卒葉氏年二十水操自勵坐臥一小樓勤紡績善奉姑舅婢僕年過十三卽擯不用不下樓者五十餘年巡按蕭重望題表節壽之門卒年八十有六

胡氏橫山民張旭初妻歸二載夫卒欲自殉以遺孕四月舅姑慰止之及生一女姑貧欲奪其志度不免暗投藥酒中飲之垂絕抹甦謂妯娌曰必不復生矣幸母苦我復飲熱水二甌而卒卒時年二十

鄉人哀而祭之

徐氏張季芳妻十六于歸十八而寡清貧守志絕無黨族之助獨居一室足跡不踰閭外女工自給年八十五而終

翁氏妻明季為亂兵所獲強逼汗之誓死不辱眾欲挾之登騎遂大詬厲眾怒三截其軀而去鄉人目擊其慘其哀憐之私謚曰烈娘

張氏舒明逸妻年二十餘明逸卒躡踊號慟將以身殉既而念遺孤在抱欲撫之成立遂身刺守節二

字深入膚裏年四十餘卒溧陽陳名夏爲之傳
徐氏汪懋典妻未嫁時懋典卽患風疾不起父母舅
姑皆欲離婚徐氏矢志不從遂適懋典甫匝歲生
一子而懋典卒徐氏上事舅姑下撫孤子苦節自
廿年踰七十言笑無苟足不踰閭里中咸敬慕焉
媳祝氏亦早寡守志人稱雙節
舒氏陳世炳妻世炳早沒父母俱年老善病舒氏矢
志守節奉事舅姑服勞不懈宗黨咸稱其孝媳余
氏亦以少年早孀守節訓子與姑媿美云

詹氏劉敦厚妻適劉甫兩歲生一子彌月而敦厚歿
上事孀姑下鞠孤子備極瘡瘁家有薄田數畝族
人欲其再適盡鬻之以奪其志詹氏甘貧緝績以
給朝夕卒不能奪撫孤成立縣令黃大鵬旌其廬
年五十六卒

徐氏余壤妻年二十二歲孀居時遺孤尙幼家酷貧
并日而食母子乳乳甘茹荼苦志操不變年七十
八卒

方技

宋祝次仲字孝友善畫山水兼工草書朱文公喜最嘉其丹青爲之題詠女嫁常山徐珙亦善畫

明朱暉字德明善天官家少從鄱陽趙友欽學得其華象新書日夜研究業遂精大將軍胡大海取金華暉獻平天下三策大海異之命領兵從攻衢州所撰有三辰顯異經子謙齋尤精小筮以術授方明明後以地理聞所葬多驗

章濬字季明精天文書得趙朱源委受知明太祖擢

任欽夫監累官司无大夫中官正稱職有勅令寶
誥之賜後其裔世官司天四代孫章懷珠有志理
學辭司天蔭讀書談道悠然自適巡按吳公遵常
以詩貽之嘉其高節

余世規端禮七世孫善軒岐術凡經其藥石者罔不
獲效求者環門無貧賤咸濟之

勞景賢字仲子幼好讀書善畫效唐小李將軍筆法
後與王龍溪錢緒山遊泛舟出海見波濤洶湧山
林杳冥嘆曰真我畫筭于是筆勢奔放蒼蒼莽莽

在荆關之間遂號海山子晚同徐文長尤善文長
憤世獨處海山訪之寫竹以贈書其上日竹籜瀟
瀟墨色新只因苦熱掃炎塵高巾忽到龍邱客正
是清風來故人架上書冊多文長題跋相與任誕
類如此

葉保泰工于接骨之術人有折足斷臂者保泰爲剖
拆刮洗治藥敷之妙合湊理不數日平復如初

唐翁洸壽昌人所居珥堂縣界地也建州刺史李頻
 洸之鄉人薦于禧宗遣使就徵之固辭不受詔稱
 其篤學苦吟隱居求志宜即邱園之責以旌山澗
 之倫遙授侍御史加主客員外郎
 汪處崇越國公華之孫尉龍游遂家于團石世稱汪
 家灘有汪侯墓其後十四代孫汪應辰宋紹興五
 年以玉山藉進士第一仕至尚書端明學士封上
 饒郡侯朱子常稱其以文章致通顯無自滿之色

流寓

人由他處遷于他處者

唐翁洸壽昌人所居珥堂縣界地也建州刺史李頻
 洸之鄉人薦于禧宗遣使就徵之固辭不受詔稱
 其篤學苦吟隱居求志宜即邱園之責以旌山澗
 之倫遙授侍御史加主客員外郎

汪處崇越國公華之孫尉龍游遂家于團石世稱汪
 家灘有汪侯墓其後十四代孫汪應辰宋紹興五
 年以玉山藉進士第一仕至尚書端明學士封上
 饒郡侯朱子常稱其以文章致通顯無自滿之色

景定間二十二代孫汪愈以朝奉郎致仕二子由父蔭誼將仕郎慈承教郎

宋馬伸東平人靖康中居言路有直聲隨高宗南渡寓龍游抗疏劾黃潛善汪伯彥責監濮州酒稅死道中胡安國訟其冤用其子

虞常山陰人從其父贅縣民鄒氏嘉定間父以都督征蠻有功進左丞常乞父蔭歷官御史中丞世稱其家為虞察院

王德飛越人由越遷于縣登嘉泰丁卯省元今其居

稱王村

尹仲熙字居雍宋甯宗時進士官右正言和靖處士尹焯之五世孫也和靖應宋高宗召授徽猷閣侍制時家在河南已陷沒以婿邢純官紹興遂家會稽至仲熙娶張翰林女因卜居張家埠為龍邑尹姓始祖世守和靖之學不愧其家風云

趙希綰自尚書工部郎換班和州防禦使常居龍游五子與汝與潞與洗與瀚與澧皆相繼登上第御賜其居曰傳芳堂

大仙釋

初豐去奢少爲崇仙宮道士雲遊見處州卯山遂結
廬巖下其地卽張天師葉靜能修煉處也一夕有
神謂曰石下有天師佩劍一及大丹一斗終當歸
爾去奢焚修三年果得之劍隱見七星丹狀麻子
瑩然朱色處州刺史以兵遶山奪之閉去奢空室
中斷其飲食經十日不死因遣還山仙去
唐徐簡出家景靈宮修真于嚴州烏龍山白日飛昇
去

元趙友欽鄱陽人少好天官遁甲家一日于芝山酒樓遇道人方瞳綠鬚與飲酒既而盡出懷中書授曰此吾從扶風石中得之友欽由是遂浪遊東南海上或乘青驪往來衢婺山水間卽囊橐無所賣未嘗貧乏所止多在龍邱蕭然一室宋學士濂劉誠意基咸相與從遊晚自稱緣督子卒葬鷄鳴山所著周易數萬言逸不存存者革象新書二卷
懶牧勤溫州平陽人祝髮浮海過潮州禮無有公精大小乘復還越經邑之靈山遂卓錫其地修持一

室不踰限十八年四方問道者雲集示寂于二砭瘞而築塔其上後爲人所發肌肉不腐隨掩之

幽溪燈尊者傳

余際熙

無盡燈師族姓葉龍之下埠人幼慧悟業儒一試輒棄去年十九薙髮于天台佛隴精詮教觀宏闡宗風百松說法被衣密付緇素皈依推爲龍象海內耆宿無不樂爲方外交咸頂禮讚誦謂其接天台已墜之宗啓法華殊勝之秘霏花雨于松樞灑慈雲于蘿幌沾漑法味稱甘露門者陶石簣顧鄰初

也謂其踵修勝果法門旗鼓潮音

寶階天樂

鳴于石室以神力搏取梵釋于龍天之宮莫諸人境者馮具區韓求仲也謂其登蓮華之座聞貝葉之音則猿傍翻經石龍潛洗鉢泉如燭昏寶炬抉翳金錚叩之如洪鐘探之如巨海者屠赤水沈嘉則也謂其古佛異代浮來空門了悟前因其著作縱橫奔瀉如石梁懸瀑飛流千丈西京咸陽乃有此體者虞德園王百穀也攷之台志四賢詠在晋有孫興公在宋有謝康樂在唐有李太白在明則

幽溪燈公上接龍樹大智尊者下開桐松二溪爲天台十九世祖師晚年歸梓里開講于東安寺縣令桐城石嶺姚公拜尊台教名賢翁集如何人徒葉良甫余瞿父諸先生皆受法戒焉所著有天台誌楞嚴會解諸經疏義鏤刻克棟不能盡載論曰龍邑名賢自龍邱先生而下指不勝屈或紀勛廟堂之上或樂志衝泌之間或整身道德之林或馳譽文章之囿蜚聲接跡方軌連鑣可謂盛矣蓋龍邑山川清淑風氣敦厚士生其間秉扶輿磅

礪之氣固宜其英偉發而又有龍邱先生以高
世之節表著東京後人聞風興起類皆砥厲廉隅
矜重名義故在朝則正直不阿有疾風勁草之槩
在野則潔清自好有秋霜崑玉之風以至閭巷之
子篤于慕義閭閻之秀習于守貞其所漸漬者素
也一夫善射則百夫決拾前者唱喁而後者唱于
理有固然無足惑者詩曰高山仰止景行行止以
地氣之良而復加以觀感之效自是而引伸焉嗚
乎其可量也哉

